

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

石門文字禪卷第六

C40
4514

宋江西筠溪石門寺沙門釋德洪覺範著

門人覺慈編錄 西眉東巖旌善堂校

古詩

寄彭景醇奉議

我庵湘山麓君家湘江尾共看湘山雲同飲湘江水
君有負郭田飽食驕穉世小兒探井曰大兒了租稅
我獨生事拙餽粥每不繼君如李大夫時時容乞米
永懷湖山堂風物自閑美楞嚴初讀罷篆冷空窓几
微風拾殘紅幽鳥妨春睡蒼苔滿門巷榆柳陰覆砌

石門文字禪

C40-4514

支那

石門文字禪卷六

一

杖策亦窺園悠然望層翠歲時無營爲祭奠修家禮
自覺去幼安正復不遠耳遙知讀此詩忻然開笑齒
宿湘陰村野大雪寄湖山居士

夢回聞打窓曉起喜覆瓦江山驚畫永秀色玄相借
升鞍風便旋浩蕩春隨馬不憂江瘴生更喜麥連野
湘山宜可老慶弔同里社乃爾癢推擠眷此多賢者
湖山蒼荀林爲我花連夜想見老居士擁袖清入畫
山陰興未盡玉麈思對把政恐觸機鋒怒遭握拳打
遙知和此詩呵筆意閑暇妙語鬪清妍正圍紅紛寫
景醇見和甚妙時方閱華嚴經復和戲之

天子和雪詩放意如注瓦手搏華嚴界笑中已見借
高詞師棗柏寧暇數班馬如登妙高峯如游廣莫野
怪公個中人亦入此保社朝來誰扣門寂音老尊者
扶筇坐山堂詩眼不知夜不入人間世誰將作圖畫
但欠維摩女玉骨無一把紛紛散音英梨花風雨打
湖山晚多態應接殆未暇此詩聊戲公詩成還自寫
雪霽謁景醇時方壑堤捍水修湖山堂復和前

韻

壑堤蓋南堂雪霰響新瓦我踏雪泥至自攜雙不借
愛公有俊氣句法洗凡馬清婉繼彭澤寒陋笑東野

願爲西崦隣投名人詩社餘年吾事濟過從有公者
何時聞折竹燈火共清夜曉堂人未掃如開輞川畫
平生學牧牛鼻索嘗自把而今失所在寧復事鞭打
吾詩一寄耳雕琢特未暇且欣兩俱健意氣要傾寫
和景醇從周廷秀乞東坡草蟲

周髯迂闊亦自笑安樂飢寒奈嘲諷東坡墨戲偶得
之保藏更作千金調自言吾富可坪國癡病已深那
可療坡初畫此適然耳髯以夸人無乃勦彭侯滿腹
是精神翰墨行藏兩俱妙應嗟玩物非尚德未欲奪
攘投火療乞之如易紫香囊豈弟高風珠自照此詩
醇醜等佳醞爲君滿引那辭醜

題萬富樓

賢爲萬人英筆力挽萬牛寶帶腰萬丁封及萬戶侯
彼富一二數其實富未周君看清曲江傑立萬富樓
山川占形勝佳處橫高秋丈人披白恰凭欄清兩眸
凜然無求姿一洗驕氣浮郢塢癡肉鑿金谷酒色囚
名均謂之富涇渭實異流余窮蓄一喙得飽事事休
貧富若天淵飽豈有劣優此詩如橄欖初嚼欲棄投
終然成可口味永當見收

湘西飛來湖

武林散煙鬟一峯螺髻孤煙雲有奇態華木秋不枯
理公何許來望見輒軒渠曰此靈鷲峯何年來飛乎
個中有白猿爲子抵掌呼至今呼猿澗飛波跳碎珠
竭來楚國南萬山爭走趨精廬開橫塘清可照眉須
高人家武林致此從東吳那知湘水西乃有飛來湖
連蕩滿秋色小艇藏菰蒲閑來倚危檻對立鷗烟如
我與湘峯色俱堪入畫圖

次韻周達道運句二首

問人欲買山便應知官情詩眼艷秋水袖手望空青
家蓄不貪寶寸田常自耕永懷柴桑歸悠然見真誠
不甘口腹累折腰求乳腥偶題五字句醉墨半欹傾
麒麟入圖畫彘書姓名何如瘦瓢中獨酌郎官清
烏啼春寂寂院靜花冥冥懸知睡足處衾暖紙窓明
朱門連大藩知是故人宅登門一笑懽忘其身是客
叢林斷岸西聚落一水隔欲知往來數雞犬亦相識
人情改朝夕世議苦迫窄公輩月輪高不澆濁流色
撥書臥清曉井汲聞餘滴職嚴賓謁少境靜意自適
嗟余眷閭里邊風馬嘶北公賢義當親此外吾何擇
瘴痾蘇晝簾小寢喧鼻息夢驚哦公詩清懽洗岑寂

大雪寄許彥周宣教法弟

湘西雪連日荒寒發明鮮誰持華藏界墮我宴坐邊
遙知毘耶老蘆蔔開滿前想見散華女笑頰微渦旋
不受禪律縛尚遭富貴纏遊戲翰墨中骨清聳詩肩
白灰紅麒麟玉液黃金然醉眼艷秋水落筆驅雲煙
故意吐秀句與雪爭清妍我詩出寒餓苦語秋蛩煎
定作笑拊掌望空鬚一掀

臥病次彥周韻

臥便午簟祛殘暑誰令殿閣風鷗語君來談笑破岑
寂尉此經旬攜手阻湘山解事不須招數峯入座爭
翔舞心知清境世不要勝踐從來數支許戲將平時
說禪口貶剝諸方呵佛祖眼高叢林不見人但許南
臺稱法乳忽驚詞鋒亂斫伐披靡千人如項羽詩成
相對兩咨嗟此生俯仰成今古

次韻朝陰二首

轆轤曉汲罷幽響聞餘滴不知雨毛空但覺炊煙濕
閑居少過從屋角寒藤入夫子獨念我問訊常絡繹
時來歎柴局飢飽共休戚此詩麗如春妍暖破岑寂
如追薊子訓可望不可及

稻田翠浪翻風葉朝露滴按行阡陌間歸來袍袴濕
駁雲漏日脚窻戶空翠入當年走京塵日莫馳山繹

此生彈指間強半是悲戚竭來效支遁買山老閑寂
君真許詢輩詩語時見及

余病脾氣李宜中教余服仙茅乃從彥周乞之
彥周袒肩荷臨濟呵余鈍根敗闕病輒服藥
是以生死爲二耶得藥作此謝之

嗟余早衰人多病良業疾脾勞禁晚冷腿重怯下濕
爾來又增添冷氣攻脇脊愁坐如蹲猿呻吟喧四壁
聞世有仙茅温中等金石恐能祛吾疾僥倖延餘息
我家小郎君道眼窺罅隙恐余偷心在指數煩口擊
負負無可言頽然慚道力檢蜜念慧遠誦呪憶羅什

兩翁例一笑顛倒不足惜世尊病須乳侍者遣行乞
達磨五遭毒知毒乃敢食佛祖豈貪生避就唯恐失
二者如不坐吾罪亦可釋想見讀此詩笑中和易色

彥周見和復答

既有疾可示非是都無疾如春有陽燄渴鹿想爲濕
以君足疾苦例我痛腰脊忍痛而曰空觸牆爲無壁
此論蓋四座聞者皆屏息吾聞有漏軀有病資藥石
漏盡病乃除其神則無隙譬如出鑛金萬鍛受鎚擊
妙哉迺開老辯博見才力種性能文章怒罵成詩什
荆山玉抵鵠而爲路人惜此詩不辭和而藥不厭乞

又如夢中人飢而獲飲食覺來輒大笑飢飽兩俱失
以是知法空妄盡方自釋解空如佛言不許離聲色

彥周以詩見寄次韻

兩詩護宗旨萬仞仰峻嶺攀緣不可及妙語出鋒穎
鈍根遭譏訶正坐不勇猛譬如策疲羸強以扛九鼎
頑冥雖難化豈不發深省坐令跛驢心奮迅起馳騁
愛君辯縱橫又畏面嚴冷直諒有如子敢不加虔調
尚記笑語時水軒同煮茗池閑如鏡空倒蘸垂楊影
歸來渡湘江一葉浮萬頃舟中亦曬藥欲以駐頽景
君儻終不瞋藥盡更當請

送彥周

虞卿脫魏齊拚意與俱去公卿一破甑掉臂不復顧
蕭何追韓信棄車遂徒走貪賢如攫金不見市人聚
會合意傾寫掩書想風度彥周雖綠髮風味映前古
高論傾座人能破萬毀譽獨立傲世波屹然如砥柱
令人每見之不敢發鄙語推墮吾法中偃蹇揖佛祖
死生人所怖玩之於掌股此生幾離別此別覺酸楚
夜寒衆峯高獨看霜月吐明日解歸舟西風白蘋浦
君去我獨留蒼茫煙水莫

長沙邸舍中承敏覺二上人作記年刻舟之誚

以詩贈

道人天姿心匠妙漆瞳含秋看飛鳥氣和不減華林
風韻高勝却霜巖曉心曾冰壺不隔塵爭傳落筆如
有神不盡凌煙大羽箭來寫山林夢幻身清秀摩雲
洞冰雪更將已素稱三絕不作能癡顧虎頭定爲露
頂王摩詰傳神寫照誰與功吾聞成在阿堵中擬將
萬匹鷲溪絹爲寫漚中勝義空

王仲誠舒嘯堂

隔岸莫山秋翠重少焉月作冰輪湧閑披白恰登此
堂絳闕神清氣深穩齒應銜環舌卷桂兩鬢西風心
一寸此中不著絲竹耳但覺清圓林葉動餘韻夫須
百里聞風露清冥人跨鳳恐君夜殘亦仙去棄米叫
雲空目送

贈周廷秀

周郎南州俊毛骨特英拔結髮翰墨場聲光先逸發
上書論國事人危泰山壓居然竄南陬風埃到鬚髮
平生拙生事寒饑坐曠達相逢湘水湄清甚等茗雪
書近庾西臺詩如王右轄解尋磨衲禪仍領凌波襪
春露試晴窓舌頰增脫活澆公剛直曾搜攬醫國法
氣當宿玉堂絲絢八磚踏當分買山錢放痛一招

次韻吳興宗送弟從瀉山空印出家

身心俱出家豈復論家世一念斷攀緣卽入三摩地
珍重大願王此法端可恃若能訓此心是畢丈夫事
君看宏覺師後身是曇諦儻欲貯甘露先將潔令器
自當福人天豈止能自利譬如雞出燭真復生厭離
空印法門傑淨慈數高第初不荷吾法亦自爲
汝能傾心事建此平生志淨中有浮念何異目有翳
內外俱一如乃稱真正士以此談妙法要使天華墜
百里半九十良醫三折臂果解信此言不媿甘蔗齋

張野人求詩

醉看湘山二十春杖藜疾趨旋路塵兒童拍手呼不
住並行磨之不怒瞋人間禍福本無象引手按之如
有神草鞵不踏公卿門術中玉石兩俱焚不知世上
有憎愛一味但覺山林尊得錢行沾付一醉兒啼妻
號了不聞孔仲山爲阿里卒吳門亦藏梅子真何年
笑跨紫雲去舉手山頭謝世人

寄邵子中學句

剛踈觸時怒髮之投海山沛恩出意外縲囚遂生還
湘西谷量雲結屋清蘋灣舉手弄雲水意適情自閑
大藩英俊地翰墨相追攀聚話蘭叢秀吐氣雌霓彎

我窮世諱見所至特見刪但餘遭夫子時時客扣關
邇來又識公喜忘雙鬢斑夷粹韻拔俗簡重語不煩
人品有如子合在臺閣間歸來夢西津五峯解煙鬟
故人訝歸晚負負媿在顏此詩雖夢語亦足發天慳
乃知憂患烈不能鐫冥頑遙想爲一笑秀句出飢寒

子中見和復答之

世味嘗已徧羶著匿雲山爲問何能爾烏倦自知還
湘西一千頃分我楊柳灣時爲理魚蓑人眠舟自閑
公眞功名人高韻不可攀譬如秋無雲壁月挂一彎
我詩聊寄耳猥語憑見刪峻句乃見辱嶮如履潼關

細看秀爭發紅英微雨斑坐令十年心清涼去煎煩
竹林在何許延頸佇望間遙知醉逃暑玉纖侍丫鬟
得句有奇趣笑渦印朱顏引紙欲續和自歎才澀慳
應當恕不迨鄉閭念踈頑把卷咏長哦松風嗽齒寒

次韻游衡嶽

結髮功名場吾豈厭朝市風埃浣袍袴樂事嗟無幾
那知望者闌舉手弄雲水山空答清嘯一洗風埃恥
亦岸橫落日孤煙起墟里陰晴故多態風物自閑美
歸來說佳處尚復喜見齒爲作鶴腦側失牀忘而趾
平生嘉遁心衍挽車輪起拭涕師懶瓚多事笑曇始

次韻游方廣

萬峯纏煙霏一線盤空路丹楹出翔舞半在生雲處
海人後臂上哀湍不堪泝夫子英特人自是幹國具
醉耳厭絲竹來此良有故臨高賦新詩妙語發竒趣
便欲抱琴書亦作東家住山靈應拊掌笑公入窘步
自當眠玉堂蓮燭夜枉顧偶此愛山爾戲語亦瓦注
富貴本縛公雲泉寧可付置卷發遐想湘月微雲度

游白鹿贈大希先

昔人隱臨湘解跨白鹿游公來弔陳迹但有林壑幽
春風掃夕陰雌霓飲澗湫披晴望形勝衣裾空翠浮

道人高尻揖自陳語和柔烏猶爲人好草亦能忘憂
矧汝家臨川共飲西津流欣然爲題詩清絕如霜秋
詩成又自錄小字如蠅頭意重恐難荷鄉義良已周
遙乘知興耳興罷夫何求我和無好語效顰增嘆羞
次韻題兀翁瑞筠亭

大圓鏡空越數量是中豈容男女相風橐俱聲未易
分前身後身翻覆掌種石玉生硯出芝人亡物在何
足竒請看襄母千里至庭竹駢根生瑞枝人言親少
而子老異事相傳爭絕倒心法之妙傳以羸此理難
與俗人道雲居的孫難共語辯如建瓶空氣字不將

雙脚踏城闈卻侯詩句能寫真

次韻思忠奉議民瞻知丞唱酬佳句

兩詩清於玉堂臥氣如漢軍爭祖左高軒想見連璧
來輾我門前碧苔破爲君哦此萬籟簧楚音變盡餘
微些文章自然真吐鳳句拙見之那敢和高材要當
萬錢食小邑折腰坐飢餓仲弓曾爲太丘令義方亦
作吉陽佐丈夫功名未入手行樂莫嫌詩酒流

次韻思晦弟雙清軒

門前無俗駕籬外有青山不出已成趣懶惰心所安
鳴鳩驚午夢意消風物閑可憐脩竹林遮我茅三間
兄每緣詩來有時忘巾冠永愧隔壁呼東帶酬問端
此詩可三復句挾風霜寒令人想見之恨身無羽翰
壽子一杯水世隘軒獨寬

會福嚴慈覺大師

慈覺初見我背呼仰而應遂同宿湘上夜語如建瓴
犀顛氣不聾虎頷目有稜精彩類澄觀突兀掩萬僧
喬嶽占南極寒翠知幾層此老家此山親分漳水燈
寶坊天雨華午梵盤清冥欲知法席盛但看道價增
破夏出山來乃爾忘規繩蓋皮爲之灾公卿慕聲稱
我幸無子累癡鈍人所憎平生寢飯外摩挲一枝藤

少年入三吳題詩徧西興歸來舟彭蠡浪山雪崩騰
匡廬落笑中萬疊橫空青又嘗游并汾跼足渡河冰
衝虎上太行雞鳴見日昇此樂墮渺莽坐睡頭髻髻
竭來湘西塢倦鶴整羽翎只待秋風健祝融期再登
慈覺見訪余適渡江歸以寄之

黃沙橫吹意儻恍江色摸胡迷背向刺舟開岸風掠
耳日莫歸來說驚浪旋添楫柁火蒙密堵立咨嗟羅
少長枕櫂鏗然野炊熟井稅未輸夜舂響少年信脚
踏憂患幾同蚤叟埋煙瘴歸來閑散贖辛勤老住江
村無雜想夢回書几有青燈雞一再鳴布衾暖遙想

老禪讀此詩應作掀髯笑拊掌

次韻蘇通判觀牡丹

東風背立知誰家扶頭醉韻中流霞天涯也識洛陽
面露叢幽蘂生竒葩兩翁賦詩皆妙語讀之令人欲
仙去坐間亦著白髮禪勝游且願追支許擁毳同看
聊自娛春歸不肯略踟躕解空勿憶南泉老但言如
夢不言無

次韻元不伐知縣見寄

我讀元侯詩嶮若過驚浪忽於旋渦中濺雪湧千嶂
又如曹征西唾手縛袁尚又如花間春熟視迷背向

何從得此客要是萬夫望少年翰墨場開口取卿相
低摧牛刀中軒特見雅量君看風月湖自是無盡藏
應手物華妙織穠見情狀平生冥搜眼已照鮑謝上
自當走竒勳豈止稱師匠嗟余衰退者那敢論輩行
正如羊叔子堅臥答陸抗詩成急雨來掃盡層雲障
重慚無傑句酬君語豪壯

和元府判遊山句

舉手弄雲泉濺衣作跳波側耳聞遺音仰看幽鳥過
兩公作妙語清絕類陰何氣爽如南山晴嵐掩我峩
意快如落瀑萬仞崩銀河秀如華林風嫣然散微和
而余獨朴拙欲登選佛科十年類馬駒鏡謂磚可磨
楓癘或見取此事古亦多噪吻成綺語寧恤犯尸羅
送不伐赴天府儀曹

長沙解嶺海浩壤冠南楚豈止風物繁山水亦清富
然以余觀之兩者未足數雖曰大藩地要以多賢故
元侯汝穎竒家世工酌古竭來簿書中見此廊廟具
三年令小邑野鶴剪翎羽側腦望雲漢奮躍思遠舉
忽聞除書至當得贊天府婢僕想京華一室譁兒女
便覺馳鐸聲吹帽黃塵路舉首望絳闕金碧礙雲雨
富貴

天車馬氣成霧遙知念舊遊笑與同僚語

送友人

幽人獨負三尺琴自謂羲皇得意深經年不肯鼓一曲欲造千里求知音夕陽渡口西風起黃葉紛紛墜秋水送君默默上孤舟片帆忽舉風波裏此去吳中風物好重復江湖我曾到桂子落時雙澗秋白猿啼處孤松老却入茗谿凡幾里連天震澤無窮已紅蕖苞折流水香紫萼絲軟鱸魚美何時興盡見歸舟古今客路多飄流孤雲別鶴無蹤跡空聽蟬聲野渡頭

聽道人諳公琴

道人貌癯骨藏年漆瞳照人方而淵家住湘山湘水邊氣清日應嚼芳鮮羅浮飯石性所在定林飲澗老更堅子其徒歟寧果然抱琴過我亦自賢玉徽接抑朱絲絃借絃爲舌傳語言誰家恩怨餘妬憐綺窻鶯燕春風顛顛風盤空攪蒼煙蕭蕭吹鬢人未眠清都絳闕斷世緣骨飛不到夢所傳秦箏心知是響泉置之髯鬚一笑掀藥珠三疊舞胎仙坐令遺世如蛻蟬何年醉騎紫雲去此琴朽然成棄捐

偁能禪三鄉俊宿山

湘西春色無人要萬頃鏡空飛白鳥小閣披衣眼力衰一聲欸乃酬清曉芒屨閑穿聚落來此岸綠陰行

不了南臺老未忘鄉井抵掌清談輒高笑烹茶煮筍
未當勤放意賦詩語竒峭此生何處不戲劇萬事隨
緣真道妙何當借子西齋宿共看湘月千峯表

陪張廓然教授遊山分題得山字

先生如梁鴻德耀亦愛山湘西十日留笑語煙雲間
弄泉石梅塢喚舟青蘋灣藉草飲松下松風當吹彈
二妙生清妍山花插雲鬟粲然起爲壽舞袖翩翩翻
先生墮幘醉頗覺天地寬醉語忽成詩爲題蒼壁顏
城郭遙相望但見千峯寒

又得先字

青山隨處有見之輒欣然獨於湘上山欲買歸休田
此邦多君子故欲吾終焉先生人品高白鷗春水前
第子亦秀發玉樹相明鮮頗怪翰墨場亦著白髮禪
分題得難韻下筆風雷旋詩成愕衆口不復較後先
閑中有此樂安用食萬錢紫芝愛陸渾遂爲好事傳
悠然見眉宇寧復羨遺編

送廓然

長沙古都會何以冠荆楚但曰財富強山水最佳處
那知號大藩寔以英俊聚張侯官雖冷藉甚有名譽
心胷高崔嵬萬卷相撐拄君看逸羣姿矯不受控御

撰述
卷之六
十一
罷官當北歸一室譁兒女想見馳鐸聲
乘黃塵路倚馬草十制膽氣見眉宇
此職誰當之夫子無媿負壁門黃金
閨獨宿無晤語時應夢湘江醉臥聞
柔櫓

大瀉山外侍者求詩

湘南古叢林鐘梵百世傳大圓百丈來
縛屋巖石邊煥然成寶坊服用如諸天
經今成幾何已逾三百年誰爲中興者
卓哉空印賢大鐘日夕撞圓音答山川
衲子自成羣晝誦而夜禪道人舊未識
眉目何淵然乞詩亦不惡篝燈臨網牋
人生等浮雲達者無後先我亦一戲耳
走筆成長篇

送珠侍者重修眞淨塔

清涼寂滅塔三世無鮮陳巋然塵塵中
現此光明身尚無有祖成寧當說有壞
憫此情見者亦驚世議隘泐潭道人珠
願力無礙限行看蒼煙叢一切俱成辦
狐死必首丘馬嘶必望北蓋皆不忘本
人豈宜忘德秋風淨湘楚萬里浩無垠
嗟予頽然臥羨子如孤雲英大師年二十
餘工文作詩勉之

英公南海來眉宇靜而淵少年辭海山
脚力生雲煙已能弄翰墨句好自可傳
君看嵩仲靈瘦聳清堅平生護教心光
與星斗懸化去四十載凜然長在前

文章一技耳幾不減市塵要求出世法道眼照人天
吾言激後生君俊無忽焉千峯開宿雨蒙頭作深禪
古人亦何遠何必羨遺編

崇禪者覓詩歸江南

去年社燕前道人江南住一笑塞鴻來又在龍安浦
今年寒食後歸心忽飄絮不知換秋菊能復如期否
此生付浮雲忽散還復聚要之不可必恐作人間雨
行藏類隱峯兩踏石頭路故山有遺恨缺典念馬祖
落日頽金盆蒼茫煙水莫離情渺難收摹寫入凝佇
送悟上人歸瀉山禮覲

亂峯踴卓不容數寶構翔空盤萬礎瀉源水作青蓮
香擷雷濺雪出煙雨住山老如大雄虎暗谷行藏文
彩露說禪不費絲毫力以空爲印印諸祖道人乃是
小菸菟氣已食牛難共語悠然蹤跡似孤雲羨儂先
我山中去會當出鉢螺頂間見此頽然秀眉宇

贈珠維那

湘雲遮世路閑客此閑行彌日不忍去眷此山水清
暖窓欲春色茗椀雪花輕道人舊不識一見意已傾
人生無根蒂聚散如流萍聊炷返覓梅將以熏道情
此詩亦偶爾夫用四座驚

瑤上人求詩

道人江南來快作臨川語立談當夕照鄉閭問安否
坐令十年心想見西津渡少年游諸方迺欲追佛祖
清韻不可摹髣髴見眉宇豈止義中龍當作文中虎
西風健行李暫會還徑去我如社後燕並立理歸羽

雲風約聊復住勿長應深谿當作人間雨

送瑤上人往臨平兼戲廓然

鶻瑤腦骨緊脚力健生雲疊數一萬里捷於臂屈伸
肉佛不譏訶稱之返云云坐誦覺範詩抄錄亦甚勤
羣兒爭欺之僞雜以佗文瑤獨領不語飯沙俱一天

湘西雪達旦萬樹吐奇芬凍行如鷺鷥雪泥濺衣裙
解包呵直指又作飢後蹲放意說臨平想見禪誦羣
坐令冷齋中忽然變春温明朝別我去掣肘徑出門
便覺西湖月夜坐生夢覓

石門文字禪卷第六

丹陽居士賀學禮學易共施刻此卷薦
庵府君往生安養海塩了緣居士對
徐普書上元李茂松刻
萬曆丁酉仲秋徑山興聖萬壽禪寺識

父澹
長洲

石門文字禪卷第七

宋江西筠溪石門寺沙門釋德洪覺範著

門人覺慈編錄 西眉東巖旌善堂校

古詩

臘月十六夜讀閻資欽提舉詩一巨軸

青燈映窓山月西讀遍穎臯居士詩四蹄雷電駿

萬丈光芒豪放詞古錦濯江有餘麗夜光走盤無

價珠韻高不受富貴縛眼蓋縉紳說林壑一語不合

味 太華摩雲森剔卓一往歸心如鳥工十分風

沉湏山水柳子厚撥置形骸龐德公攬轡

不當

呵凍筆

珥筆合在明光宮
天牀長哦起曳履旋
寄語公家王坦之
爲編乃翁詩集尾

次韻游南臺寺

青原生下一角麟
單丁住山須底物
試垂一

阿師鋤斧成乾沒
凭欄小立與僧語
浮雲卷盡千峰出
永懷倔強韓退之
南遷正坐譏訶佛
山雲開遮良偶然
自詫精神費詩律
閭侯愛山得雲饒
勝處遲留多記述
慕韓每手加額見
詩未讀壁先拂此
公文不數微詞天
姿含宋屈

次韻讀韓柳文

穎臯韻秀徹如春
在楊柳清遊每見
刪題詩

篇如用兵曹瞞破
張綉神速付一快
竒變愕衆口含至
美醇醖兵厨酒柳
文馬頓塵驕嘶不
忘驟置文中砮硃
雜瓊玖同時公與
侯富貴可炙手人
驚風會自矜時命
偶一權難把玩忽
焉成老醜居然成
纍纍增培螻兩公
獨如在並驅讓先
後文章有耿語置
坐右我老坐詩窮
犇走營升斗時能
吐佳句英華出枯
朽

次韻新化道中

形骸寄簪紳趣味
在林麓楚國富山
水下車已心足

昨聞入層翠超放等犇鹿情高如謝安舉手弄落瀑
恰如紅粧女弓彎雙屈曲登高發清嘯餘響動林木
名山冠東南佳處數天目以比衡霍勝家雞例野鷺
歸來渡湘江水作鴨頭綠應懷絳翠山歸期何日卜
次韻題貯雲堂

次韻題明白庵

鼻端有餘地世議嗟迫窄君看閻夫子廣莫以爲宅

去宦游人間面有無求色酒闌愛松風醉眼眩紅碧
俊爽類王濟端復有馬癖何當食萬錢四海蒙惠澤
湘潭紫翠間松下偶相逆袖中出新詩苦語涼肺腑
夜半來牀前且以慰窮厄豈真謫仙人何其似太白

和宵行

不眠盥漱罷和衣肱再曲村落雞未鳴部曲炊已足
露行逢遠火盲龜值浮木馬上續殘夢不復較遲速
故鄉夫豈遠隨分有松竹自種橘千奴大勝五斗祿

次韻題子厚祠堂

元和八司馬子厚獨竒偉謫官無以敵妙語凌山翠

山以囚自名谿以愚爲字醉心谿山間勝處無不至
至今永州祠大類羅池祀生存伍後鳥遺像土偶侍
經遊香火罷感歎追前事才高出不容起坐終夜喟

和茶陵夢覺索燭見懷

聞絃能賞音公獨知雅曲易親復難忘終期老林麓
公如追風驥未見所歸宿嗟余老摧頽翮如啄苔鵠
遙知雙泉上頗亦蒔松菊何時聞夜春並齋著茅屋
慧觀友李源高風當補續便覺維秀間杖履笑追逐
今非茶陵夢猶欲更秉燭愛公押難韻敏若方破竹

次韻偶題

鈍拙無人著眼看一庵睡快如梁端那知高軒肯過
我終日笑語成盤桓畏公筆力不可敵坐令三峽回
奔湍威稜王節照湘楚誇聲衆口鋒刃攢此篇意氣
更傾寫句法超絕風格完許令賡酬亦不免但恨語
帶儒生酸苦嫌絲竹圍醉枕卧看烟縷凝雕盤雙泉
雲樹時到夢神武門前思挂冠朝來清事亦稠疊野
飯蓬窻分小團人間曲屈多敗意莫辭時此同幽懽

寄題雙泉

閻公立朝時凜然古遺直孤忠捍世波砥柱屹挺特
一旦成千古埋玉秀山側至今山中泉實以配公德

欲知其源深下漲千頃澤沙渠走清快石井湛紺碧
譬如澗與淄相去無尋尺日光每下徹山影必倒植
倚欄應忻然遊鱗見尾脊知誰念純孝滿掬種白石
粲然生玉英冥感吁莫測泉旁有精舍聞多登覽適
何時同二老追逐扶瘦策詩成坐假寐夢歷秋山赤
想見環珮清繞除餘響滴

次韻夏夜

隱几群動寂池塘浮夕光瓦溝急雨過熏風滿南堂
飛螢忽點衣小立聞荷香東南喜見月微雲復遮藏
長哦穎臯詩清語涼肺腸勁氣終不屈鏤鄒淬光芒

高懷寰宇間蠢蠢犇炎涼斯人古遺直天質自溫良
茲夜發遐想易親復難忘歸田無別意難以枘入方

和遊谷山

穎臯擘窠書棐几玉勒銀鈎照林麓山堂聚觀雜賢
鄙人人歡然如所欲獨餘耆年視凝遠就觀尚如隔
羅縠筠牀瓦枕試新涼小雨南風正清熟岸中一笑
山蒼響我亦爲君聊捧腹晚晴軒檻亦何有隔屋茶
烟度修竹呼童索紙賦新詩詩成字字清如玉人間
何從有此客滿腹精神真可掬我慚衰老亦作詩譬
如菌芝生朽木

和曾倅喜雨之句

清狂平生笑李赤詩慕謫仙名烜赫尤勝曲影傍權
門愛其炎炎手可炙表絲若至晁錯逃熱中未老嗾
與噉猶勝怒及水中蟹不合郭縈持雙螯何如一庵
聽松雨潑眼睛窓發茶乳更無俗子作白眼但有水
沉橫碧縷長愛朱生論不卑神明不欺寧自欺買金
賞誣豈不美尚笑世俗今澆漓玉川作詩曾救月退
之抵掌誇竒絕公今又賦喜雨詩詩成肯寄甘露滅
氣吐虹蜺辭吐雲才大端如梁與樊麗如宮華蜀錦
色駿却千檣萬馬犇屈宋宗枝君得髓江左風流復
興起試手作詩君勿笑毫忽增之至弓秭長哦月出
湘淹東翰墨場中又策功千篇翻水不足道絕愛風
味如醉翁

次韻過醴陵驛

解鞍成小寢部曲營夜炊此生一寄耳夢幻相拘縻
風殮雜舍者水宿依江湄何時步入塙壓犀簾幕垂
三湘在圖畫開屏供卧披公宜宿玉堂明甚無可疑
今復聊爾耳間作虎頭癡

次韻

先生絳闕姿名字占仙籍妙年取榮名翰墨乃其職

而云賦歸歟戲語吾不逆醉翁昔仙去人間暫休息
文字頗橫流士氣久不懌公實不出後議論有精識
冰壺含青春不容一塵隔吐句如善射字字皆中的
佳麗增竒峭歎側多醉墨高辭敦故舊讀之氣橫臆
閱深似退之頓挫雜拋擲如春餘萬物妙用無罅隙
故人困長哦其節不容擊自昔聞公家諸郎居連璧
道學進未艾慶澤流無斲紛華脫髮棄酌古分陰惜
汎觀得其要雲升復川益孝友如機雲爭攘笑不植
聞風方對食不覺起投策神交夢成趣意合氣自激
廬陵在何許縱望手加額那知湘江上握手笑墮幘
妙處無陳鮮傾盖如夙昔歸來看屋梁喜極心更惕
弟兄定世家富貴已尋逼而我世憎嫌莫景桑榆迫
相從可忘年頑魯幸勿責一懽難把玩轉顧成陳迹
閉門工寢飯且復適吾適遙知不吾詫頗嘗有此客

次韻游南嶽

退之倔強遷揭陽道經衡山愛青蒼逸群駿氣不可
禦頓塵初控青絲韁朝雲偶開豈有意妙意放浪高
稱揚我生少小善詩律讀之坐令身世忘竭來結友
本上座南遊私喜初心償橘洲看雪已清絕更擢野
航浮碧湘忽驚萬峰上雲雨走棟飛檐雲雨旁知誰

撰述
石門文集卷一
十一
凭欄俯落日跳丸一笑千品充紫金雞舍一粒粟磨
塼作鏡傳遺芳小庵自披慈忍服十方普熏知見香
巉巉玉骨撼不磨但誦妙偈聲琅琅只今般若臺前
路過者拳拳加敬莊我尋遺迹恍自失譬如一葦航
渺茫三生爲掃坐禪石往事令人思建康紹隆佛種
有神足九旬妙義談汪洋當年以法施窮乏無數珠
璣曾斗量而今但有樓觀好再拜顧瞻空涕洟我公
王事獲勝踐自謂此樂非尋常情高賦詩亦感慨十
年出處何明詳竹軒莫涼暑雨過風簷把玩情激昂
初如冰輪湧東崦溲溲雲幕方高張俄如竒兵出不
意鐵衣雪刃森堂堂細窺如春在花柳芳心皺眼開
包藏瑰驚豪氣立毛髮風檣駕浪犇龍驤韻如玉色
映晴晝清如碧瓦粲曉霜適如醉鄉識歸路醇如燒
春浮玉觴意公前身是太白醉貌宜披雲錦裳芳津
浣匙飯雲子美液澆齒嘗瓊漿吾聞高辭殆天得寧
論結髮翰墨場酸寒鳥迹無足道坐令藉湜仆且僵
皆言筆端有五色不然古錦纏肺腸夜闌掩卷耿不
寐空庭曳履心彷徨譬如三伏黃塵道坐令炎燄欣
清涼又如病鶴長側腦仰看千仞孤鸞翔嗟余膽大
亦欲和韻險恍疑登太行何時坐隅乞詩藁襟量懸

知容攫攘吾恐斯文將斷絕長哦披髮下大荒見曹
乃欲犯矢石洪鐘何異施苙芒公如珠玉在淵石榮
輝草木皆煌煌讀其詩律似仙曲不雜人間笙與簧
我非賞音空嘆息擬欲學之嗟未皇遙憐與僧登絕
頂意適暗驚人世忙詩成氣焰如項籍叱吒千人誰
敢當自嫌白髮世不要萬回歌舞聊伴狂盤珠豈有
影迹露霧豹不欲文彩彰那知湘上偶邂逅氣岸欣
逢許子將霜鬢須面一破笑城隅古寺眠閒房心知
貴賤不同調且復抵掌談江鄉
暇日陪杖履對
公豈敢談文章茲遊正類羊叔子湛
與山俱不忘

次韻曾英發兼簡若虛

大曾秀發如層顛小曾秋水隨方圓二豪說詩氣曠
逸而我老坐如蹲猿弟兄駿氣驥墮地自憐老欲蠶
三眠一庵收身萬事外但有壞衲長堆肩會看連壁
登集腰間纍纍金印懸分緣自是公家事安知不
秉卿平生忠義要活國濃笑東川無杜鵑古城
野寺白灰已燼餘疑烟瘴痾未損方曲臂靜
如鴻鶴擘清詩寄我忽驚雙秀對白鷗春水前
長哦曳屨餘韻發越鳴朱絃坐令萬象受控
勒知君有筆真如椽細看字字有根蒂滿掬明珠誰

爲穿詩檀從此不
受降君已臨中堅

復次元韻

君家廬嶽蒼崖顛睡足茗盞浮輕園十年不歸空蕙
帳夜鶴哀怨驚曉猿劫來湘尾寄城寺夏簟清涼便
晝眠扣門剥啄誰過我上騰火色仍爲肩軒然辯論
雜今古不覺前席心旌懸以身徇國愛子布塞門以
土推孫云詩窮少陵老飢寒正坐拜杜鵑遙知
鈴齋賓謁紫硯浮松烟作詩寄我對岑寂爲
散頑麻雙脚學弟兄高才當濟世會看笑揖人王前
嗟余百念已灰冷倦易斂翼爲虛弦粥魚齋鼓日課
辦仰屋卧看三條椽管寧木牀五十載好事空傳勝
處穿何如斂目十樹身同金石堅

贈別若虛

殘暑霽嚴威新涼釀歸思夢驚聞松聲兩鬢到萬事
中情怯離別此別仍對子追惟初識面寧復計有此
明朝舟洞庭驚浪銀山起醉眼失湘楚妙語凌淮泗
我如浮水葉遇坎當自止行將看荆山歸老鹿門寺
今不欠無言但是欠一死淮山有竒逸要是天下士
若問寂音老煩君一舉似

和陳奉御游梁山

公詩自雄放故我甘雌伏韻高霜月苦洗盡瘴霧毒
游絲映明窓小字爲公錄便覺春爭妍勝氣增林麓
永懷矍鑠翁論兵到精熟子陽井底蛙提耳論禍福
歸來得真主簡易心屈服才高犯衆忌蕙苒致謗讟
梁生付一笑何必較直曲山僧亦何知魚鼓聽齋粥
陳侯金閨彥論清如屑玉南游興未已甚欲乘桴木
湘西獨何幸■旆先見辱松間偶相值論交一言足
雲山久乾沒賴此佳句贖

次韻曾韻句游山

夫子謫仙隱於儒仲連太白真其徒梅檀林間法檀
度翰墨場中行秘書譬如山川有珪璧光被草木蒙
磁硤又如羽毛有麟鳳瑞照百鳥藏鸚鵡玉堂金馬
未入手公不自嘆旁人吁狀看朱門森盡戟暇日聊
爲山水娛下車褰衣卻部曲縱望林壑情忻愉朱陵
洞口見落石引手翊雲跳明珠詩成萬象在掌握磨
琢無玷如瑾瑜旁觀十吏不駐足一日萬口傳荆湖
南山道人紛■摹寫磬石煩丹朱歸來盡以錄寄
我意句不盡情有無爲公長哦立風檻明月滿軒時
卷舒吾聞駿馬日千里未遭剪拂隨塩車嗟余駑鈍
世鄙笑分甘垂耳同騾驢世間安得支遁眼盡作嘶

風神駿圖

次韻游南嶽題石橋

飛梯上雲雨，後臂攀層崑。天風吹鬢須，茲行非人間。
幽泉不知處，但聞鳴珮環。嶮艱硤清快，洄渦走平寬。
落萬仞，濺雪驚潺湲。懸崖忽見寺，白晝方掩關。
境遐想坐久，生清寒。山空寂無人，鳥啼花不言。
雲披獻青嶂，風檻爭卷簾。

和游南臺

筍輿翩追隨，頓撼雜搖兀。蒙騰穿聚落，超放上巉絕。
山腰轉巖嶮，部曲失行列。身世逐雲輕，眼力與天闊。
撞鐘千指集，樓殿寄林末。同來久倦局，相向懷抱豁。
市朝昏利欲，走鹿不忘渴。公獨蛻塵埃，風蟬妙脫骨。
盤桓拊孤松，粉落金屑誰。卷青帝雲，推出銀蟾闕。

和游福巖

雲開見樓閣，峯頂知有寺。衆峯讓高寒，蓋是出其類。
渦山下僧譚，笑走魔外戲。忽於一毫端，集此大千界。
曹溪正脉深，不斷蓋如帶。流而至衡霍，百川蓄匯滄。
迺知般若臺，自昔分燈地。清游亦不惡，俯仰憶前事。
寶構出灰燼，人逝時亦異。永懷韓潮州，夜與千峯對。
仙去三百年，音容浮如在。妙語落人間，斷碑臥榛檜。

公亦潮州勢翩已似低摧夙昔心慘愴經游意
林高句天成鄙組繪刻之蒼崖陰與山增勝槩

次韻游高臺

蒼杉三十里不復逢川原忽然在林杪萬峯延目觀
長崖有積雪松聲雜風泉是時春正深風威猶折綿
君董金閨彥而有清淨緣和雲掃車轍引手酌靈源
山空破岑寂笑語答雲煙魯僧作鷹顧驚此佳少年
何以比人品白鷗春水前既非山澤儒亦非地行仙
諸峯千葉開青蓮景淨若有得茲遊良偶然
詠曲亦欣誼譚下層巔歸來念清境依約聞啼猿

次韻見贈

已甘老死長松下賞音乃有如公者謬當大匠許才
能名器從來豈容假但欣一笑說江鄉意氣平生要
傾瀉先生之詩自豪放寒陋心知鄙東野此篇粹然
有精思百鍛良金方出冶汗顏縮手置袖間對公誰
敢言騷雅自憐華髮住江村地偏心遠過從寡茆簷
捫虱鳥聲寂故絮懸鶉成磊直右耳已從前月聾更
欲忘言到瘖啞多生垢習磨未盡公詩又欲臨窓寫
何當看公醉岸幘約束萬象閑揮洒眼寒獨立梁宋
郊一尾追風睇奔馬讀罷新詩發長歎春色驚回阿

練若浪秃宣毫和不成自笑才怪真注瓦

次韻曾機宜題石橋

公才受斧斤鼻端有餘地一官游人間窮達置度外
著屐登名山眺覽吞眼界倒傾蛟龍室聊爲翰墨戲
搏取華藏海几間日相對石橋亦何有萬峯作階陛
平生冠世境勝踐得君輩壞壁題新詩一洗俗眼皆
我本箇中人久負未歸債我自負名山名山豈余棄

和游南臺

老思垂一足飯想成沙纒頓斧盤石上分燈續螺江
坐令遺蹟地咄嗟成寶坊永懷青松下睡快欣明窓
曾侯有逸韻詩律挾風霜重來拜白塔前身疑姓龐
山僧作巴音聳肩頤而長願施筆供養普熏知見香
吾觀三公子凜然萬夫望何當吐佳句刻石照沅湘

寶月偶值報慈坐中走筆

十年塵土中厥狀浸成俗坐令眠雲衣化作征人服
此行欲買舟尋我舊山谷識君御水傍笑齒璨明玉
蕭靜鶯子儀脩拔孝基目殷勤撫道義祖道欲傾覆
賴子合妙草直風鞋可續聞之厚自愧所趣在幽獨
君言如不欺是亦合生福須臾讀君詩氣韻麗可掬
心曾何玲瓏多能吾所伏春流日夜急歸心難管束

良會故已述妙談何日復吳山嘉有餘爲君置茅屋
頭白早歸來暮雲無使瞞

和忠子

牛車注經宗兩角那問虛舟移夜壑竹間掃除聞擊
聲戲作伽陀歌獨脚心波不與類古井情緣脫盡如
遺籥高笑癡兒倚富貴危如乳燕方巢幕已辨山藤
待湖月不把芒屨穿聚落安知沙門自有體全象紛
然衆盲摸要之行藏不屬人手自安然隨展握

和堪維那移居

世路驚風波山林知歲寒君看爭奪中忽覺深渺漫
歸來湘西寺兀坐依蒲團摩挲折脚鐺規以穩處安
湘山亦多態扶杖時游觀偶逢林下人班草一笑權
霜風水痕落歲月難遮攔但覺頷髭白不知知歲殘
堪公故園舊義膽見急難相逢開肺懷傾倒無餘殫
所居隔聚落日喜成嬖嬖作詩誇我賢寧知如玉冠
遂分湘山翠茅簷相對看往事都莫理有求真禍端
飯罷口挂壁

送元老住清修

湘水有廬山蜀僧有吳韻無塵而俱清雪月夜相映
書癡喜借人香癖出天性垂涕撥黃獨糞火曾發晒

三年我東隣家顛開小徑一飯必招呼朝之終不愠
明朝趣去我歲逼青陽近子已飽叢林件件無遺恨
贈子湘源春山窮春不盡

和杜司錄嶽麓祈雪分韻得嶽字

歲晚湘水濱黃塵似河朔江流涸欲盡餅罌汲餘濁
開聞雙旌出千騎爍山嶽雪雲卷山去天宇獻遼邈
嬌鴉集風枝凍鶴時俛啄譚兵杜牧之賦詩果橫槊
山雖非故人識面亦已數文章固餘事正爾全三樂
太丘令國器讜議久揚權長吉有美材蘄然見頭角
君看分韻詩天力那容學嗟余老山林葦流殊齷齪
寧料寒窘中見此三卓犖和詩無傑句鈍澀費磨琢
窮略似孟郊必劣追韓偓

贈鄒處士

長沙人物秀而雅爭如絕致名天下率更之書更古
今鍾王筆蹟遭凌跨藏真草聖夢英篆齊已詩篇洞
青畫易生寶覺未暇數邇來鄒敦最聲價巨公要人
邈已徧戲畫寂音老尊者繩牀壞衲氣深穩霜須瘴
面情閑暇平生剛福語忤世定知見此遭譏罵涼都
貴人如玉叢富貴熏天光照夜凌烟風姿劔拄頤妙
手當煩爲圖寫

鄭南壽攜詩見過次韻謝之

砥硤世旣以爲玉芝蘭那知不爲猶人間萬事醉不理
攜被來爲林壑游雪花成山過驚浪五展暮天開
橘洲篙師絕叫風掠耳蕭蕭兩鬢空颼颼松聲盤空
上煙翠頽陟佳處每遲留袖中出詩愕坐客泐蹄乃
爾容吞舟東坡句法補造化山谷筆力江倒流兩翁
連聯竟仙去暮年見子忘百憂念當明日江南路幕
阜倚天佳氣浮故人問我今何似爲道摧頽如慧球

次韻漕使陳公題萊公祠堂

萊公少年日逸氣生雲泉定策清東宮天子爲嬰然
奇豪不世出獲一以當千親征功第一尚記破虜年
想見和易姿垂柳春風前我公嗣前列剛特才亦全
方持使者節眉宇秀而淵高樓獨自登愛公能補天
高情弔陳迹妙語吐新篇如風行水上渙然成漪漣
乃心在王室何時朝日邊正坐霖雨手豐年自留連
何必羨遺公自當濟川

次韻經蔡道夫書堂

書堂山崦西微路經桑柘婉婉綠陰中偃僂牽羸馬
須臾將平川時過幽谿瀉瀉源深人家稀落日耕鉞罷
過墻傍脩竹深處開茅舍池塘遠軒窓秀露風清夜

盃盤燈火裏笑語茆簷下白酒瀉新糟醇醲如壓蔗
酒酣面發赤箕坐談王霸排斥出忌諱怪語令人怕
野僧舊不懽癡坐相嘲罵但作鶴腦側思歡殆無暇
夜闌乞新詩自愧非作者張燈掃西壁把筆強驅駕
萬景每騷縱此夕偶相借遂令諸一權一一如圖畫

吳子薪重慶堂

吳氏季子世不乏子孫魁壘特秀發人言才業任世
重更覺文章有家法奉親作意構華堂想見青紅濕
窻闥堂中二老鬪康強夫婦承顏薦壽觴竭來兒姪
俱登第舉族請名重慶堂富貴鼎來推不去道德照
人間里光富公玉食由及養范公諸郎盡卿相親養
子榮兼有德家聲置公范富上虛簷風月夜未央詭
莊成輪發清唱金鴨香清碧縷飄燈前玉頰醉紅潮
一尊滿勸何所祝盛事要看追八蕭

題嶽麓深固軒

湘西峯頂寺樓閣藏煙翠危臺占家顛小軒寄幽致
游人常不到石壁照溪邃於世復何求此生眠食耳
翛然亦何有蒲團空曲几凭高俯城郭車馬環磨螿
城郭望諸峯時見孤雲起

贈別通慧選姪禪師

選本佳山人精進激情懶規模如乃翁鐵喙石肝膽
豈特七閩英蓋亦叢林棟子少長庚曉我老碧雲晚
相親出數面別袂聊一挽是非一言足勃宰百事辦
分攜青蘋灣相對秋滿眼

中秋夕以月色靜中見泉聲幽處聞爲韻分韻

得見字

夜清成水宿月出波灩灩那知是中秋老眼欲淒眩
此生天地間飄泊如蓬轉竭來泊湘瀕此月凡七見
冰輪上天衢萬里不知遠夜深度明河輪側明河淺
西樓欲吹笛餘聲落哀怨到月腸寒露紛滿面

林光潑流泉天大微雲卷阿崇具紙筆橘亦磨破硯
詩成月華清幼婦與黃絹

鄧循道分財贍族湘陰諸老賦詩同作

卜式與弟貲如塞無底竇其愛止弟耳親舊竟何有
二疏得賜金盡以散親舊但可施一時安能繼其後
然於簡編中耿光白如晝鄧侯功名姿穎脫盖天授
分財贍族人約券規永久君看純孝心履稀先履瘦
紛紛窶人子懸鶉露兩肘雨雪抱兒女扣門易升斗
鄧氏豈無貧炊烟滿蓬牖安知寒微中不復生竒秀
陰功雖無形報應捷於口此風起顏俗能使薄者厚

作詩附家傳想見爲拊手

贈陳靜之

仙郎如驚鸞風格殊秀整文章體自然五色麗雲錦
紛紛少年場英氣橫筆陣家聲盛漢魏未暇數唐晉
元龍特豪偉太丘苦剛正相逢黃卷中崔嵬山嶽峻
君當世其家已見逸群駿笑談不自覺滿坐湖海韻
富貴率致身華裾宜綠鬢功名偶然耳何必以身徇
未近翠雲裘先看班玉筍

弔性上人真

漆瞳照人韻拔俗平生直性如劈竹世情好惡我不
知是是非非一言足昔年訪道辭七閩丹青生此身
外身要將留悅倚門意此心亦是酬慈親慈親未老
身先近夢境悲歡成一戲展開靚體露全機徧塞虛
空何處避

宣和七年重陽前四日余自長沙還鹿門過荆
渚謁天寧璋禪師留二宿作此

孤城渺湖天長隄篆湖水柳衙行未窮已過沙頭市
連檣來萬艘荻叢出千雉節物近重陽風日正清美
忽驚樓閣開寶坊墮平地璋公十年舊出迎一笑喜
夜及相山歲月入歎喟茲行歸鹿門已作終焉計

不辭信宿留愛子多故意說禪有家法翻手了千偈
鐵脊敵魔外宗風永零替我留固隨緣思歸亦偶爾
爲君賦新詩萬象困朝戲去留未用較吾生真一寄

瞻張丞相畫像贈宮使龍圖

天下張荊州乳兒識名譽醫國陸宣公護法崔元度
平生風雷舌咳唾作霖雨隔闕餘十年一旦成萬古
羊曇欲作慟生存華屋處支遁亦傷心路偶經姚塢
賴有克家子春色連眉宇君看談笑時亦是榦國具
會看如乃翁獨立無喜懼文章有種性家法致工主
此詩公應聞想見笑掌肘

初到鹿門上莊見燈禪師遂同宿愛其體物欲

託迹以避世戲作此詩

上莊俯漢江古木雜桑柘槐衙陰廣陌麥浪漲平野
連雲對困廩用谷量牛馬我來二月破解鞍綠陰下
縱望烟霏中領略見楯瓦耆年骨柴崖迎客意傾寫
干戈爭奪餘身在相驚詫山空啼杜鵑龕燈自清夜
歛眉問儋州亟口談江夏以余遊二公老大知識寡
暮歸逢醉人往往遭捶罵鹿門有餘地賢矧如君者
爲連修竹林規以構茅舍伏春舊所能犁鋤當學把
相見水過膝蓑笠清入畫

游白馬寺逢安心上人

繖盖山前曾卓錫晉安王初造禪室水火定成人未
知部曲不前馬辟易牀邊臥虎如睡犬王雖及門不
敢入冰雪親瞻道德容再拜平生願心息兩泉俱出
雌雄龍玉殼靈龜蛇五色聰禪笑傲賢王喜魚龜乃
能就掌食高風乾没五百年依舊雲山如夙昔雨中
來遊春已老忽見江南少年客坐中偶生鄉井心想
見禪山倚天碧清境幽閒欣可名偶然得句因題壁
雪夜與僧擁壺僧曰聞唐劉義賦雪車冰柱詩
為退之所賞願聞其詩予曰忘矣僧請續之

口占以授

雪車比毛車弱水誰欲度飄然凌空去中疑載青女
風為通衢走轂不容馭大勝短轅犢更煩長柄塵
廣寒宮構基非下土天公亦薄相鏤冰以為柱
傍銀牀誰與揮玉斧仙妃倚之笑疑是漆室女
石門文字禪卷第十

丹陽居士賀學禮施刻此卷海益了緣居士
對長洲徐普書溧水端學舜刻
溝厝丁酉仲秋徑山興聖萬壽禪寺識

石門文字禪卷第八

宋江西筠溪石門寺沙門釋德洪覺範著
門人覺慈編錄 西眉東巖旌善堂校

古詩

送賢上人往太平兼簡卓首座

我昔遊潛山空翠挿晴煙至今清夜夢猶能歷層巔
天柱如玉立貴氣朝山川下有童師廬雜遝皆竒賢
卓途龍山子靖深波間蓮近聞亦分座道眼照人天
道人使吳來衣袂餘芳鮮願求竒嶮句庶使大法傳
一拳無背觸何處見靈源

送一人

子從大梁來會我秦淮道十年三度別此別吾甘老
學道如牧羊敗群者則鞭一切但仍舊自然常現前
子初不衣綿而今便故絮山舟日夜逃美貌豈長住
時至不相待勿恃骨肉間要當自努力譬如人上山

游龍王贈雲老

正中妙叶百怨門寶鏡孤風天下聞緇州道價直乾
坤毛骨真是延公孫楊廣山頭草木熏公獨深密護
靈根衲子雷動雲崩奔暗中明露涇渭分醉李有叟
笑臉温膽大三世一口吞枯木能花爲誰春春光化
爲吳山雲即今住山典刑存木蛇且無刀斧痕我游
山隈野水濱松間見之鬢爲掀留我更宿聽啼猿人
間行役膏火煎公特見戲非誠言頽綱已墜引手牽
乃欲奔走鞭短轅要當努力續烈燄大興洞上追曹
源

三月二十八日棗栢大士生辰二首

大千微塵偈章句妙難求公爲疏通之如海決江流
堂堂鬚垂膺漆點橫清秋十虛圓當念三世集毛頭
平生說禪口想見光逆浮世間眼久滅法寶空海洲
年年春欲暮禪室清香留迷途指南車戴恩負山丘

願從清涼山威光作依投行當方山見跬步披衣裘
○思慮不及處但曰刹那際不曰刹那際寧當有三
世於此刹那中尚不容擬議安得有死生一切諸怖
畏苦樂欣厭情及分心境異是名顛倒想不名隨順
智如人游夢中所歷經千歲及其夢覺已不過食頃
耳稽首願悲幢發此不傳祕願分無盡燈酬此四弘
誓

送常上人歸黃龍省侍昭默老

心花發明照十方死生窟宅無隱藏此老唾笑生馨
香法中骨髓僧中王平生一子傳餘芳譬如少林有
神光只今孤憤昭默堂天魔外道走且僵夢寐想見
猶清涼況子徑歸侍其傍明日扁舟浮渺茫我不得
俱空歎傷但餘一句煩寄將暮阜山前爲舉揚仰山
久不見臨濟瘦損法身三尺長

運禪人求偈

石室如仄磬春雲如翠被翛然無事僧來此時枕臂
無求即無憂有身還有累永懷彭尊宿一席曾遁世
天子不得臣公卿不敢致高風不可攀百世猶興起
運禪佳少年杖錫成戾止偶從城郭來衣袂滿空翠
覓歸如子規掉頭須去耳山林與聚落蜜無中邊味

子心有分別動息若差異錄以贈其行不語開笑齒
餞枯木成老赴南華之命

正中妙叶如何會羅仙隱身露衣帶芙蓉克家桐城
孫海上聞名聞至尊天書夜到道林宮大鐘橫撞山
玲瓏山容光澤鳥聲樂一番佳氣生巖叢曹溪寶林
甲天下樓觀翔空盤萬瓦夢中先已逢祖師異世曾
同香火社人言骨清辟瘴霧隘詞一律撩人怒大陽
直裰果有靈所至自有天龍護寄語山頭錫杖泉久
枯遽湧寧非天老師不作奇特想已脫聖凡情量纏
送禮禪歸臨川

已披出世衣影莫落塵俗何山無叢林棲息一枝足
奈何清淨心甘受熱惱毒譬如伏櫪馬心不忘馳逐
又如火鐵丸氣燄不可觸禮禪客湖山山翠在眉目
蓋嘗視此輩高笑一捧腹今亦欲還鄉當戒前車覆
吾聞真實心不受罪與福精進緣不解此語君勿惡
送顓街坊

水西南臺小精廬名雖是律禪者居粥魚茶板如指
呼履聲童首鳧鴈趨分身香積太闊迂食時至則當
持盂養師反哺如烏雛荷衆司更如鴈奴逢人若問
明白老爲言病起加清癯

寄南昌黃次山

次山心地平如鏡照海照毛無少賸劉公訶之昏霧
蒙張公磨之復清瑩張劉皆是善知識大黃甘草各
醫病驚起荷山大字遂玲瓏撞鐘山答應夜燈午梵
賽心願望歸引領如鶴頸一朝骨祖在面前笑不成
聲兩目瞪小兒化去聊折災婦翁告祖適其命但得
夫妻各身健回觀閣中夜鳴磬欲知成佛妙法門不
與人爭是捷徑

寄題紫府普照寺滿上人桃花軒

武陵源深並溪入無數桃花開春色水面紅雲欲崩
壞波間爛錦光相射昔人誤行偶見之歸來醉眼眩
紅碧秦時雞犬不聞聲但覺曉窻煙霧白那知紫府
亦仙源此華萬樹燒晴川少年苾芻誰教汝照花作
意開幽軒靈雲說悟被花笑南泉欺客花不言何如
睡足無一事倚欄紅雨春風顛愁來想見故山路未
歸先作山中篇

宋廸作八境絕妙人謂之無聲句演上人戲余曰
道人能作有聲畫乎因爲之各賦一首

平沙落鴈

湖容秋色磨青銅夕陽沙白光濛濛翩翩欲下更嘔

輒一十五依蘆叢西與未歸愁欲老日暮無雲天
似掃一聲風笛忽驚飛義之書空作行草

遠浦歸帆

東風忽作羊角轉坐看波面織羅卷日脚明邊白鳥
橫江勢吞空客帆遠倚欄心緒風絲亂蒼茫初見疑
鳧鴈漸覺危檣隱映來此時增損憑詩眼

山市晴嵐

宿雨初收山氣重炊煙日影林光動蠶市漸休人已
稀市橋官柳金絲弄隔谿誰家花滿畦滑唇黃鳥春
風啼酒旗漠漠望可見知在柘岡村路西

江天暮雪

潑墨雲濃歸鳥滅魂清忽作江天雪一川秀發浩零
亂萬樹無聲寒妥帖孤舟臥聽打窓扉起看宵晴月
正暉忽驚盡卷青山去更覺重攜春色歸

洞庭秋月

橘香浦浦青黃出維舟日暮柴荆側湧波好月如佳
人矜誇似弄嬋娟色夜深河漢正無雲風高掠水白
紛紛五更何處吹畫角披衣起看低金盆

瀟湘夜雨

嶽麓軒窗方在目雲生忽收圖畫軸軟風爲作白頭

波倒帆斷岸漁村宿燈火荻叢管夜炊波心應作出
魚兒絕憐清境平生事蓬漏孤吟曉不知

烟寺晚鐘

十年車馬黃塵路歲晚客心紛萬緒猛省一聲何處
鐘寺在烟村最深處隔谿脩竹露人家扁舟欲喚無
人渡紫藤瘦倚背西風歸僧自入烟蘿去

漁村落照

碧葦蕭蕭風浙瀝村巷沙光潑殘日隔離炊黍香浮
浮對門登網銀戢戢刺舟漸近桃花店破鼻香來覺
醇醖舉籃就儂博一醉臥看江山紅綠眩

汪履道家觀雪鴈圖

水落陰湖洲渚生風折敗荷枯葦莖白沙鑿鑿墨雲
重熟視滿空翻玉英湖邊兩鴈誰教汝穩臥自多高
世情惠崇逸想巧圖畫定應愛汝夢漏清

穎臯楚山堂秋景兩圖絕妙二首

一鷗低飛落平湖一鷗驚顧行烟如紅衣脫盡蓮蓬
綠翠盖凋殘荷柄枯更有數蓬癯已老無人折之欲
傾倒陌上殘紅空自好爲誰點綴湖邊草

溪邊兩鴨自夫婦生而能言似相語婦先浮波喜轉
顧夫欲隨之竟先去水際清蘋各占叢風撼荷花已

退紅不見清香雲錦段空餘霜葉伴枯蓬

和李令祈雪分韻得麓字

何處軋軋叫雲木植杖松間逢白足一牛鳴地兩禪
叢窻戶青紅照林麓江寒雲怒相摹胡雪意欲作先
停蓄連空推下翻玉英想見軒渠笑捧腹

和李班叔戲彩堂

李侯何以悅其親戲著彩衣覓梨棗閑騎竹馬畫堂
前慈顏一笑自忘老毛義捧檄難忘客茆容殺雞終
得道愛公純孝配古人甚欲卜鄰安井竈

送隆上人歸長沙

湘中樂哉山水國道人歸去正秋色拭目重看雲蓋
雲槎手新嘗橘洲橘湘西幽居多故人松下相逢應
倚策開軒萬頃鴨頭青睡起一聲風月箔

六月十五日夜大雨夢瑩中

希夷先生海門住久不見之想眉宇夢中相見荔枝
村覺來一枕芭蕉雨行藏顧影應自笑世事吞聲不
容數從欲若士爲遠遊莫作雲中隱身去

予作海棠詩曰一株柳外墻頭見勝却千叢著
雨時寓居百丈春晴上南原縱望萬株浩如
海追前詩之失言相隨必芻請記其事

積雨分陰晦林光山色生精彩閑上南原看野
棠一川零亂紅如海柳外一株何足道戲語謔花今
日悔道人請我重賦詩倉卒煩詞爲刪改

山寺早秋

千本蒼杉俱合抱夕陰相映寒蟬噪殘僧獨歸清入
晝秋色滿庭濃可掃霜鐘初歇月未生但覺篝燈一
點明塔除環珮走流水樓閣誦經童子聲

送僧歸雲巖

和氣津津出眉宇平生快活隨緣住憶昨思山林下
來如今却向城中去燕子初飛簾幕風海棠睡重清

明雨重唱龍山諸佛機紅塵動處雲成縷

至撫州崇仁縣寄彭思禹奉議兄四首

去年歲飢民減口晨無炊煙閒甑缶面餘菜色短氣
中經營有錢易升斗抱孫買鋤今歲豐黃雲穰稔村
村同東林鼓聲是誰致聰明慈惠隴西公

吏姦今古同一律邇來間見復層出一邑雀息行鏡
中公則生明無別術放衙下簾調索絃來禽青李浴
清泉吾儕呈押日課辦亦作岸巾相對眠

我年政如牧民術敗群者去羊蕃息向來盜竊如有
盟飛躡垣墻度窓隙下車夜戶民不閉終夕四隣無

犬吠一壺醉倒不須歸以博支頭路傍睡
爭歌來爲民父母百里民心始安堵外臺選才第薦
之何必知賢奪而去當持馬足臥車轍報汝百年終
有別蹄涔不著橫海鯨簿書那容萬人傑

余還自海外至崇仁見思禹以四詩先焉旣別

又有太原之行已而幸歸石門復次前韻寄
之以致山中之信云

北去憂如會滄口危甚相如跪瓦缶南歸喜勝脫鴻
門那卹范增撞玉斗筠谿野寺隣新豐亦與叢林魚
鼓同懸知他日君念我定作少陵尋贊公

脫桔寧知縛禪律但欲閉門長不出死禍平生九
蹈之痛恨防身苦無術此言了如意在絃此心烟如月
臨泉山中樂可騎稚世一榻暑風清晝眠

平生心懷濟時術百未一施空歎息庭閒晝永僧至
門心回酒醒月窺隙東方先生語開閉投骨心知致
羣吠千金珠在九重淵儻能得之必龍睡

飄零乳兒失慈母來歸家山在阿堵瘴痾烝洗百念
空但有詩情磨未去虛名實禍車覆轍道鄉端與人
間別膝穿木榻五十年君看此翁亦雄傑

信上人自東林來請海印禪師過余湘上以贈

之

五湖東歸風轉柂柔櫓聲中飛鳥過開蓬不信是廬
山忽驚落瀑從空墮道人箇中三十秋那知今始載
歸舟白藕池邊月初吐應對隣房說舊遊

忠子移居

忠子壁觀永皇暇移居自提雙不借借車祭竈非我
事可聽夜春響西舍人言渠儂大類我試手作詩便
聲價我詞勿學郊島寒謫仙筆端能造化

楞伽端介然見訪余以病未及謝先此寄之

楞伽劇談喜高笑一鉢安巢在雲杪我游廬山二十
年聞名常多識面少道林過我古南臺路逢泥軟手
提臺輿瓦合今果爾更呼隣僧相與來

次韻雲居寺

行盡崇岡與峻嶺今朝又入緣雲徑世塵已覺蛻埃
輕道心遂作燭雞淨小軒容膝俯千里磨錢作鏡江
山映平生林壑竟成癖南來獨覺茲遊勝

無學點茶乞詩

政和官焙來何處雪後晴窓欣共煮銀餅瑟瑟過風
雨漸覺羊腸挽聲度盞深扣之看浮乳點茶三昧須
饒汝鷓鴣班中吸春露

巴川衲子求詩

水西南臺底氣象綠踈青瑣湘江上門人俯檻看諸
方笑聲散落千巖響巴音衲子夜稚門要識汾陽五
世孫問渠何所見而去峯高難宿孤飛雲

十月桃

雪中桃花夜來折兒稚犯寒爭欲摘老仙呵手撚吟
筆指以謂余還歎息已作忽忽十月開人間安得千
年枝

李端叔誕辰

未見犯寒梅已有催春雨催春春未歸却有曇花飛
飛香塞世間何人知鼻處遙知與世且同波隨分盤
飧付兒女

雨後得無象新詩次韻

雨餘步林幽松風初到面寒蟬相磨鳴小立無人見
但愛東南山色作旋螺轉入門庭院度飛螢梵放哀
聲滿深殿

用韻寄誼叟

識君童牙中豈止論半面雖同萬頃山經年不相見
平生草頭露蚌月跳珠轉永懷終夜不成眠但見突
兀遊霄殿

任价玉館東園十題

涵月亭

亭外物清曠人間多熱惱夜晴登此亭水月相媚皓
多君心鏡空光明寫懷抱憑誰持此意舉似寒山老
覽秀亭

尚記登臨時風日初盎盎忽驚無邊春登我眉睫上
情歡鳥聲樂意適游絲放我非連眉郎搜詩聊植杖
四可亭

四注開野亭面面可人意我來俯危欄寒傲成縱倚
應接迷向背轉顧風掠耳隣寺一聲鐘墟落孤煙起

第一軒

名園富家致此軒冠群目檻次狀元紅窻橫尊者竹
坐客定無雙試茶谷簾綠願聞聖諦義飛辯橫塵玉

如春軒

檻前搖綠玉杯面吹紅鱗主人飽談笑和風熏坐賓
但覺天宇迥塵滓欲清辰雖非曲水會自是斜川人

寒亭

欲問春消息蒼茫嫩日斜茅簷聚喧雀栗林棲暮鷗
絮袍裊足坐得句往往佳忽起步微月呵手拘梅花

浩庵

水勝萬斛舟至剛柔繞指丈夫養浩然其略盖如此
朝登青雲上正色決大事暮歸臥此庵捫虱口如耳
方便堂

虛空亦何有領略四時事君看繁盛時中有凋零意
然省可自觀那作明日計當游無所還自住三摩地

覺庵

念起則爲凡覺之則爲聖人言此爲覺此覺未真正
但了一切空聖凡皆幻影冥坐不言中心波如古井

鑒止軒

小軒臨止水一泓湛寒碧瞭然見眉須洞徹塵不隔

夫子作止觀涇渭不相入踟蹰學僧禪諦視鼻端白

書華光墨梅

一枝已清妍交枝更媚嫵見之已愁絕那復隔煙雨
錢塘千頃春想見西津渡他日到南屏莫忘孤山路

惠侍者清夢軒

小軒面層崖叢蕉手自種高風追二朗生涯與師共
默坐每觀身爐煙作雲湧蕭蕭半夜雨亦足清君夢
次韻性之

一笑形骸外便能携手行雲容與山靨今日眼偏明
共坐松下石仰聽松上聲古人亦何遠安用社中名

筠谿晚望

小谿倚春漲，攘我釣月灣。新晴爲不平，約束晚來還。
銀梭時撥刺，破碎波中山。整釣背落日，一葉軟紅間。

和杜撫勾古意六首

一尾掣電去，萬蹄讓雄長。邇來隨磨驢，驅逐付廝養。
頓塵忽驕逸，韻發竒想公。眼如支遁神，駿蒙擊賞。
歲月走舟壑，不能老喬松。何如取塵劫，安置彈指中。
我老世不要，閉關師道蹤。自欣方得計，人笑伎之窮。
長松援丈蘿，無事登青冥。因緣偶然爾，初非出經營。
我受氣類似，掄材置勿聽。瞿公亦癡絕，書門議交情。

午夢清斷續，殷鬢飛蚊鳴。微風亦見戲，故掩讀殘經。
相見洞天曉，霧重花冥冥。秀句吐竒麗，乃爾未忘情。
秋晚凋紅翠，幽懷到眉峯。玉纖弄彩筆，落紙翩驚鴻。
道山歸計好，高情付踈慵。何獨謝夫人，特有林下風。
暮年一杯春，愁邊賴開拓。醉鄉歸路穩，城郭見隱約。
萬事付頽然，破幘風墮落。胷次竟何有，八窻洞空廓。
了翁有書與謝無逸云：覺範真是比丘。

墮馬哭淮王，牧羊仗漢節。古人守忠義，視死如棄襍。
吾是真比丘，死生見窟宅。一飯不願餘，孤坐閱歲月。

題延福寺壁

在山爲遠志出山爲小草龍潛蟠則神雞雌伏知道
人情難把玩過眼如電掃留雲峯下寺白髮歸去好
棗栢大士生辰因讀易豫卦有感作此

人間解纜沙開視兒眼前鉢飯度永日一裘支十年
月巖與雲壑佳處輒留連誰云道林黠猶覓買山錢
次韻周達道運句

大澤深壑間難藏舟與山此身唾霧中安得長朱顏
講公如夙昔婁永嘗追攀定作甕中盡磨衲映青綸
次韻遊水簾洞

清夜讀君詩思豁神亦傾豈惟折慢幢要已倒降旌

重哦水簾句織穠開畫屏想見落筆時透紙走風霆

游廬山簡寂觀三首

廬山覺未老儼然舊風姿樹石亦仙骨逢春更華滋
瓜分煙翠層千丈垂白霓貪看讓爭席舍者爾爲誰
蒼石大如屋古木出虬枝四注陰其下地坐黃冠師
山行倦日永聚話遂忘疲行看洞中境都是寂音詩
怒龍鬪未已角尾相攀牽巨石爲解紛背腹遭虬纏
千年毒不死槎牙帶雲煙樹間宜畫我乞與人間傳

送人

相送復相別不異雲間月無心去復來有魄圓還缺

此別與何如西風秋月初暮鴻千里至能寄八行書
別人

尺水未到海茲行多鳴咽病客未還家回腸蘊千結
水有到海期病客歸何時臨岐一場袂落日寒風悲
信師相別

子昔送我日出岫雲無心今我捨子行窮徼暝投林
勿歌行路難勿效兒女泣處處得逢渠千江共一月
白日有閒吏青原無惰民爲韻奉寄李成德十

首

李侯端自重不肯下南壁君看英特氣自可凌太白

小邑試牛刀乃有政和色

舉筆濡大千揮斤隘八極置之臥病軒翻身觸破壁
起來一調笑庭樹掛斜日

地生金色光女作師子吼此軒初不然風日穿窻牖
莫作兩頭看空花竟何有

客來清對榻客去閉深關聊爲文字飲酬唱相往還
朝來公事少白日吏長閒

少年韻如春才可供十吏故人半青雲隱几肘門寐
行看登玉堂清坐追陸贄

竭來民訟少槐影覆閒庭看山久成癖詩眼耐空青

長憐謝安石箇中著娉婷

花光浮縣郭麥浪漲郊原吏散僧投謁詩成月上軒
何妨橫麈尾相對兩忘言

密室調絃索晴軒較畫圖檢書凭錦瑟背句遣奚奴
一權同煮茗此興不能無

深原曉翠耕隔谿夜春簸竹間伊余行童稚供日課
入境觀化風親視民勤惰

單衣試嫩寒花下愛清晨不恨簿書惡何妨聞岸巾
定應懸睿想憂樂自同民

雨中聞端叔敦素飲作此寄之

但見杯中春潑面不知門外雨翻盆人間萬事一蜚
蚊正恐卷瓊爲鼈飲何妨跨項作猿蹲此生隨處有
乾坤短李貌和髯似棘王郎耳熱氣如霓不知今日
是何時醉鄉城郭無關鑰世路風波太嶮巇且看相
枕爛如泥

端叔見和次韻答之

俊詞方覺春照眼秀句忽驚絲出盆睡餘兩鬢尚殷
蚊行樂風軒須痛飲窮吟空屋笑愁蹲筆端浩蕩吐
乾坤落筆新詩敏風雨撚鬚豪氣劃虹霓侍兒扶掖
醉吟時靖節田園尋窈窕謫仙風味自嶽巖何如春

撰送
不
甕揭黃泥

再和復答

道鄉是宅扶歸路法喜爲妻笑鼓盆蝓螟膽大敢巢
蚊遊戲秋毫鋒際立卷藏法界眼中蹲自然函蓋合
乾坤醉裏兩篇開爛錦雨前千丈挂彎霓楊梅櫨橘
恰嘗時自笑此生真逆放人情何處不同巖禪心且
作絮沾泥

睡起又得和篇

幽夢驚回煙霧帳清泉起弄雪花盆風簷斜日一區
蚊淮水雨開縈練淨鍾山雲卷露龍蹲癡禪剛道屬
乾坤綠髮筆端能吐鳳雪髯曾次尚盤霓道山歸去
定何時身外聲名徒暴曜夢中憂患自臨巖烏靴長
恨浣塵泥

復次韻

句健未須纏法律飲豪那暇較瓶盆疾雷破柱一聲
蚊吟狂不覺跨驢穩醉臥都忘對虎蹲箇中別是一
乾坤八篇俊逸狂時語五色光芒雨後霓清吟要不
負明時嗟我拙詞傷弄巧愛君難韻解平巖且歌滑
路雨成泥

晚歸自西庵復得再和二首

人歸西崦步翠麓
月出東峯湧玉盆
詩如琥珀妙藏
蚊摩頭長詠笑
自語劃席冥
搜臥復蹲筆
端三昧撼
乾坤衆
俯看旋磨蟻
忠義平生貫
日電也知用
舍
各由時
處山川非設險
笑中陷
弃却藏
巖此時擬
議轢中泥

世事回頭驚破甑
年華脫手墮空盆
機鋒火聚不容
蚊
未欲乘風去
捫虱閑爲抱膝蹲
掌中訶子是
乾坤
寨詞鋒盤屈劍
吸川酒膽倒垂霓
脫巾露頂
笑狂時任意清閒
飢得食關心名利醉
登巖濁流心
念已澄泥

驛上人居京華甚久別余歸闈作此送之

毳帽駝裘一尾輕
半開便面氣如春
醉歸穿市月隨
人此境要非吾輩事
摩頭忽憶海山濱
蘼芽荔肉齒
生津十分春壓能
眠柳一再風撩解
笑花故山應摘
雨前茶從我覓
詩如觸鹿爲君肥
字作棲鷗句中有
眼莫驚嗟

送因覺先

南澗茶香咲語新
西洲春漲小舟橫
困頓人歸爛熳
晴天迥游絲長
百尺日高飛絮滿
重城一番花信近
清明

妙高墨梅

日暮江空船自流誰家院落近滄洲一枝閒暇出墻頭
數朶幽香和月暗十分歸意爲春留風撩片片是
閑愁

石門文字禪卷第八

丹陽居士賀學禮施刻此卷 海鹽了緣居士
對長洲徐普書 溧水芮一鶚刻
萬曆丁酉仲秋徑山與聖萬壽禪寺識

石門文字禪卷第九

宋江西筠溪石門寺沙門釋德洪覺範著

門人覺慈編錄 西眉東巖旌善堂校

排律

次韻曾侯見寄

客食石門寺而今僅兩年衰遲嗟我老邂逅識君賢
聖域人稱亞儒林秀譽先未揜攀桂手已許買山錢
壟麥秋期近庭槐晝影圓方思歸去日忽得寄來篇
意合蒙推獎情親出愛憐格幽凌雪勁詞錦照人鮮
把玩欣無厭行吟却悵然句追工部袂氣拍翰林肩

世已驚殊異名宜改半千永懷風露重遶徧舊池蓮

王舍人路分生辰

貴出賢王喬宗連母后因秋容漱毛骨春色照簪紳
報國忠誠著驚人句法新慣看青禁月屢夢玉關塵
博古知無敵窮經亦絕倫後宵通七夕今日是生辰
佳氣凌湘浦非煙壓楚圍綠醞浮白螳綺席繞花輪
壽級諸天獻詞容野客陳不凋蟾窟桂難老海山春
已作瞻雙闕行看據要津功名先入手圖畫在麒麟

閻資欽提舉生辰

節序春將半風光過上旬人間識英物地上見麒麟
凍雨晴還暗非煙夜達晨權聲動湘楚和氣滿簪紳
孝友疑無比恢疎亦絕倫一身渾是德終日不違仁
夢已游青禁行當侍紫宸立朝知大體博古見全醇
詩妙終聯鼎文高類過秦公廉清似玉剛正凜如神
幙下名流集堂中綺宴陳貫珠歌白雪浮蟻皺紅鱗
自幸承顏舊仍容造膝頻何時渡弱水同看十洲春

陳奉議生辰

華國生賢俊江山孕秀靈鴨頭淦水綠螺髻玉筒青
敏捷收科第竒豪見典刑咲談回暖律詩句挾風霆
官偶求彭澤才宜在漢庭麒麟橫逆氣鶯鶯斂修翎

撰述
石門文集卷六
二
民訟多閒日棠陰自滿亭浪傳書課奏須看鼎彝銘
仲夏逢佳節非煙聚杳冥數萸餘一葉推道間千齡
阡陌登豐後笙歌爛熳聽綺筵環妙麗壽竿捧娉婷
歡洽連更燭情高促畫屏九衢花照夜萬井月開局
風颭銀河動天驚玉露零三台星密處宥有老人星
次韻曾伯容哭夏均父

青光隨杖履咲響落雲泉尚想登臨處仍哦唱和篇
暗驚生死隔默數十三年臺憲登群彥秋風吹一鶴
誅姦志未舍謀國疏空傳醉馭毛車度誰推日轂旋
歲時嗟易得力命古難全報施徒云爾功名信偶然
清忠光竹帛英氣歛山川哭子如臨敵當勾失短鋌
五言律詩

湘上閒居

夜清暑雨過四壁草蟲鳴一枕幽人夢半窓閒月明
摧頽弘法志老大住山情忽憶陳尊宿編蒲度此生

西齋晝臥

撰述
石門文集卷之
一
三
餘生已無累古寺寄閑房睡足無來客窓空又夕陽
叢蕉高出屋病葉偶飄廊起探風簷立飛蚊鬧晚涼
秋夕示超然

夜色已可掬林光翻欲流一鈎窺隙月數葉攪眠秋
清境扶歸夢殘缸替客愁搜詩時畫席忽覺此生浮
早春

山中春尚淺風物麗煙光澗草殷勤綠巖花造次香
浮根爭附絡細葉正商量好在幽蘭徑無人亦自芳
送僧還長沙

去袂不容挽子規真滑唇烟村相送處風物更撩人
麥浪空翻日花房尚鎖春遙知到湘浦蘆橘恰嘗新
次韻真覺大師瑞香花

淺色鬧花堂清寒熏夜香應持燕尾剪破此麝臍囊
有恨成春睡無人見洗粧故山煙雨裏寂寞爲誰芳
次韻叟悼性上人

井美泉先竭犀殘角有通斯人難再得陳迹已成空
塵尾夢應寄楞伽寫未終平生說禪口不見怒號風
除夕和津汝楫

今夕亦常夕人偏故國思不堪槎凍耳聽誦未歸詩
家室誼譁後深簷雨雪時爐香待清旦此意有誰知

啓明軒次朗上人韻

澄滓動精色開軒萬象分光無回避處眼自覆藏君
霞縷縈經軸煙絲減篆文個中無賸語題目是先聞

回光軒

暮色眩紅碧登臨聊倚欄日終猶返照坐穩可深觀
夢幻諸緣寂圓明一顆寒洞然無向背莫作轉頭看
次韻黃元明

靜室依清几開書映隙光悟迷初不隔語默故難藏
妙可忘情會深無以意量臨機辨神駿正要略玄黃
寓鍾山

生涯如倦鳥栖息此山中睡足誰呼覺烟消篆已空
翻經欺眼力斜日借窓紅臥聽銅瓶泣青松萬壑風
讀中觀論

平生智眼濁塵劫著心深長向環輪上空將始末尋
十方真寂滅一念去來今妙調琴指知誰解賞音
對雪嘗水餅

雪粲羅敷喜報春呈舞腰旋風寒正密到地暖還消
輕薄凌梅蕊踟躕攪柳條幽欣賞水餅舉箸一長謠
清明前一日聞杜宇示清道芬

籬外花如海閒軒小寢驚最先聞杜宇更覺近清明

雲怒必爲雨風和拘得晴阿芬甘劣我笑裏恰詩成

閒門

杯飯終永日一裘支千秋餘生已無累此外復何求
懶出門常閉欣眠榻可休拋書方手倦啼鳥破深幽

四月十一日書壁

夜久茅齋靜塔泉遶珮鳴行人莫識道遠自深明
掃榻酬閑味依蒲任性情叢林終不負一衲傲平生
次韻雲庵老人題妙用軒

開軒閒隱几萬象競趨陪風揭松聲去雲推山色來
觀身真作夢視世一浮埃日暮庭陰轉幽禽接翅回

讀瑜伽論

此生已無累一席可窮年細嚼寶公飯飽參彌勒禪
懶修精進定愛作吉祥眠夜久山空寂唯聞遶砌泉
鍾山有花如比丘狀出穠葉間王文公名爲羅

漢花僧請賦詩

通力元無礙隨緣自應真此生花上露故現葉間身
知見幽香在伽黎翠色新一枝聊把玩未愧鷲峯人
寄題行林寺照堂

聞說行林寺杳然叢秀間堂清開水鏡山好理烟鬟
有霧窓呵暗無塵扉自關人牛今不見蓑笠兩俱閑

撰述
不詳
與性之

物外不可必相看一笑休好山終入手墮甌懶回頭
知復何時見聊爲此日留定難瞞道眼得喪兩浮漚

僧求曉披晚清二軒詩二首

披衣汲南澗落葉在庭除獨立無人見幽行偏自如
嫩寒冰齒頰精色到衣裾却倚蒲輪坐橫看貝葉書
旋螺堆空青重疊不容數夕陽穿貫之濃薄自呈露
數點沒煙鴻一聲伐雲斧殷牀鐘未消流螢自開戶

春日谿行

側布寶坊地白沙楊柳灣憶曾嬰死禍不自意生還

已覺無鄉夢今真是故山谿花眠霧雨春在有無間

送僧歸故廬

投名新入社臥病偶思歸渡澗脫芒屨扶藤下翠微
寒松猶帶雨瘦骨不勝衣若見翁鑽紙當施百丈機

焦山贈僧二首

白下門連寺清游入夢中骨驚誰醫指世事謾書空
梵行美蕖淨天寒晝火紅曉窻應破夢臥聽烏呼風
對牀聽夜雨佳約是當年放曠隨緣去閑心不習禪
倚蒲趺足坐擁衲蓋頭眠今識君歸處齋餘有澗泉

題反身軒

盡力覓不得歸來題反身平生未解沒寧解救滔人有累路岐遠無求滋味親養心唯寡欲妙物久如神
宿本覺寺

一宿路旁寺霜清夢亦寒憶曾游覽處來覓舊題看病衲成新塔層樓隱敗垣青山猶不老千疊似翔鸞

題芝軒

軒下亦何有靈芝駢秀生山川呈美瑞草木被光榮清甚紫檀露色深黃菊英武陵續遺事應著此軒名
次韻王安道節推過雲蓋

秀傑長沙幕高才自敏強同僚推俊逸黼坐畏剛方慣吐珠璣句宜便宴寢香秋來能過我聽雨夜連牀

題合容室

歛足脫雙屨閑房倚瘦藤百川朝巨浸一室納千燈至味寧分別常光絕滅增剝塵彰帝網妙觀現層層
人日雪二首

今年人日雪更在末山巖瀉行想堆塚打窻時兩三夢回清語默寒重壓衣衫面壁孤風坐知誰繼夜參律管未回暖春先到曉巖與君清作對得月便成三秀色報虛幌幽欣宜衲衫相看超語默覲露不須參
次韻周運句見寄

撰述
頑鈍世推鄙而君偏切磋借神觀有漏騎氣到無何
昔共飲臨汝今同家汨羅衡門似長吉軒蓋幾時過
重會雲叟禪師

氣味似前輩見之長眼明閑須研法味老不減詩情
草聖因蛇鬪禪枝解虎爭一堂聊寄傲踈快餞餘生

次忠子韻二首

湘雲刺世眼獨可著閑蹤鷗迥千尋雨江寒一再風
旋鑽新火後初脫夾衣重坐客經年別蘭芽茁舊叢
新秧翻翠浪青子退紅英稜麥風光近絡絲歡笑聲
靈騰幽夢破醞造小詩成好在歸來燕營巢占畫楹

和曾逢原待制觀雪

竄清寒妥貼寺近汨羅江夜迥疑生月夢驚聞打窻
地鑪無宿火經閣有殘缸起望兜綿界誰推墮陋邦
初過海自號甘露減

本是甘露減浪名無垢稱欲知遭鎖禁正坐忽規繩
海上垂鬚佛軍中有髮僧生涯何所以崖略類騰騰
早登澄邁西四十里宿臨臯亭補東坡遺

天下至窮處風烟觸地愁村鷺聞捉拗岸汁忽西流
鳥道通僂耳鯨波隔萬州赴雞行落月悽斷在蠻謳

過凌水縣

野徑如遺索縈紆到縣門犁人趁午日蛋戶聚魚村
籬落春潮退桑麻曉瘴昏題詩驚萬里折意一消寬
楊文中將北渡何武翼出妓作會文中清狂不
喜武人徑飲三盃不揖坐客上馬馳去索詩
送行作此

蘭叢聚貴客花輪環侍兒三盃吾徑醉四座汝爲誰
但覺眩紅碧了不聞歌吹翩然上馬去海月解相隨
渡海

萬里來償債三年墮瘴鄉逃禪解羊負破律醉檳榔
瘦盡聲音在病殘鬚鬢荒餘生實天幸今日上歸艤

夜坐分題得廊宇

一雨餞殘暑瘴痾穌簟涼臥聞山果落起覺斛蘭香
幌內水螢入堦除露葉光知誰愛清境步履響修廊
出獄李生來謁出百丈汾陽二像爲示因而摹
之作此時即欲還谷山

一鉢寄城市皤然鬚鬢長風埃窮百丈翰墨老汾陽
家在青松岸門連白鳥行知誰施舟尾載我下沅湘
次韻周倅大雪見寄二首

萬瓦粲清曉披衣挂北窓春先歸楚國誰獨釣湘江
瘴熟甘欺得詩嚴合受降更憐風絮比想見髻鬟雙

白晝通紅火蕭蕭驚打窓折綿未透兀夢睡先降
那敢犯詩壘自然摧慢幢重看寄來句呵手剔殘缸
次韻邵子中學句出巡

安石性夷粹公今亦重遲追惟理髮處領略辦裝時
高節貫終始寸田齊坦巖功名恐未免才業係安危
次韻鄧公閣睡起

歸計寬爲約山行短作程旅亭驚午夢布穀正催耕
翰墨堪華國雲泉負此生一篇敘閑適細味有餘情
次韻衡山道中

嶽色墮馬首嵐光忽滿襟眼寒知意適句苦覺愁侵

沃野獻新綠殘晴釀晚陰天涯驚去鴈料理欲歸心
贈鄒顏徒

肉眼倒皮相高才多陸沉火知三日玉貧試一生心
世路多追逐雲山獨見尋聖賢酌古力勸子手勤斟
投老庵讀雲庵舊題拜次其韻二首

但覺意清淨不知山淺深年華暗凋落老境已侵尋
三世樓鐘舊一生香火心高風難補綴永愧壁間吟
道鄉歸路晚世迹陷泥深老死先通耗病衰今見尋
規模高世意料理住山心月在孤峯頂凍猿時一吟
熏上人歸雲溪

撰述
不詳
一
聞道衡峯北寺當猿叫村夜樓千嶂月晝榻一溪雲
我慣蹈憂患君方蛻垢紛莫嫌林下石蘚浣褶衣裙
題使臺後圃八首

諦觀堂

優入聖賢域湛然觀道真一身渾是德終日不違仁
深靜啼林鳥虛明見隙塵篆畦凝碧縷紅燼白灰新

賞趣堂

曾次有丘壑笑談無俗氛幽懷常自得佳趣與誰論
曳履尋花圃扶筇卓蘚痕地嚴賓謁少却坐看壚熏

會心堂

稱意有余樂幽歡常會心小山供賦詠危榭每登臨
下視千峯月聊揮一弄琴尚嫌閑適少富貴苦相尋

阜安堂

禮義成風俗豐登民阜安此堂共僚屬把酒聽吹彈
地富湖山美宵晴風月寒勝游無俗韻意適有余歡

戲彩堂

承顏忘勢位喜懼兩遲迴堂上綵衣舞樽前笑靨開
金鑲應學探竹馬欲相陪未必稱純孝高風獨老萊

獨秀堂

天質自竒峻千尋紫翠重謾煩君獨秀不願掩羣峯

與客共秋晚搜詩到暮鐘夕陰寒欲滴倚檻見纖穠

清音樓

霧暗軒窗失風高簾幕低夜晴湘笛起樓迥嶺猿啼
凭檻人如玉搜詩氣吐霓還驚一聲鴈翻影月平西

蒙齋

妙物雜而著深藏一默中誠爲反身樂蒙亦聖人功
客至風生塵吟餘月挂空莊周稱社樂神拙意無窮

次韻李方叔游衡山僧舍

道鄉見城郭世路謾升沉寺勝增佳氣壁間餘醉吟
僧殘過客少山好爲誰深寧識通泉尉獨懷經濟心

次韻謁子美祠堂

顛沛干戈際心常系洛陽愛君臣子分傾日露葵芳
醉眼蓋千古詩名動八荒壞祠湘水上烟樹晚微茫
次韻達臣知縣祈雪遊嶽麓寺分韻得遊字

叢祠香火罷山寺偶同遊鑪撥紅金湧窓空碧縷浮
旋敷白氎布暖甚紫茸裘試作吉祥臥夢清如素秋

題夢清軒

小軒人不到脩竹過墻生眼倦經長掩身閑夢亦清
微風吹篆縷活火發茶鐺遙想佳眠夕蕭蕭雨葉聲

題一擊軒

閒把松枝篋掃除門徑塵驚聞一擊竹頓見十方身
烟翠連窓暗霜筠解籜新老禪構軒意應欲悟來人
次韻胥學士

筆下慣生春年高句法新還將吐鳳語來寄牧牛人
敏若盤珠妙深如社櫟神長哦答清境璧月上重闈
題曾逢原醉經堂

酌古有深意開編中聖人百家笑糟粕六藝飲全醇
兀若墜車適盜如浮盞春淳于吞一石同味不同塵
隱山照上人求詩

落髮道林寺隨師家隱山萬緣都放捨一衲遂安閒

璧月照宵定金風掩畫關平生無媿業塵世許誰攀
龍山亦名隱山余宣和五年十一月中澣日過
焉有澗道人鴻公乞偈爲作

迷路不知遠但知寒日斜過溪逢菜葉西崦有人家
斫額驚來客拄鋤方種畬鴻禪効古者當効此生涯
游靈泉贈正悟大師

支徑入山寺雲林如見招小軒臨絕壑危閣礙層霄
瓶泣地罌暖屋晴巖雪消大師京國舊放意話州橋
七月初九夜坐西軒雨止月出不勝清絕

夜雨止還作小軒清有餘暴寒吹客夢殘響滴堦除

撰述
石門山房卷九
一四
明滅青燈在簾櫳壁月孤故山歸未得千里漫平蕪
甲辰十一月十二日往湘陰馬上和季長見寄

小春二首

雨暗書雲節梅偷破臘春里間相餽餉風物近袁筠
吳語知無伴楚衣聊試新忽驚身是客流落老湘濱
風埃九十里霧雨濕馳裘鴈過回詩眼江寒聚晚愁
魂清方怯雪句冷更舍秋殘岸連孤嶼依稀似橘洲
題閱世軒

江水似人世倚欄歸思多無窮流歲月可畏易風波
與老僧看不妨閑客過爲君聊借榻清夢到無何

雲庵生辰

探手取空劫瓜分破一塵洞然無空缺獨立不鮮陳
試問聲前見何如頂後親死生浪遮掩漏洩是今辰
次韻濟之和劉元老偶成之句

世亂驚流落名高子可依元龍謝襁負叔冶冒重闌
黃屋方回望青山敢問歸三橋伏道几應嘆眼中稀
贈成上人之雲居

天上歐峯寺人間無事僧偶從白沙岸步入碧螺層
眼匿連空鉢敷羅挂瘦藤遙知雲起處一室拈香燈
四月二十五日智俱侍者生日戲作此授之

撰述
與佛同生月猶遲十八朝參禪唯自肯求法轉相遼
谷響千斤重虛空五采描布毛吹起處豁爾萬緣消

謝大瀉空印禪師惠茶

鐘鼓五千指翔空樓殿開不知大瀉水何爾小南臺
讓子鈿斧信閒禪春露杯故應念岑寂先寄出山來

愈崇二子求偈歸江南

人笑南臺小難安十八僧日貧因日富宜減不宜增
忽去兩禪衲如分一室燈牀寬齊頂禮睡快免相憎

曹教授夫人挽詞

禮敬良天性求賢比孟光搢紳聞懿淑閭里發慈祥

饌按今誰舉山衣尚篋藏榮名增史牒有子類鸞皇

贈尼昧上人

不著包頭絹能披壞墨衣愧無灌溪辯敢對末山機
未肯題紅葉終期老翠微余今倦行役投杖夢煙扉

興闡

春晚忽凭檻滿眸佳景來鴨頭波蕩漾螺髻色崔嵬
苔嫩錢無數花殘錦作堆一甌雙井釀何必酒盈杯

與海兄

春寒真料峭久客厭江城雲重欲爲雨風和尚未晴
意隨飛鳥去事逐亂埃輕畢竟閒居好煩君念此情

題靈鷲山

側徑入招提，回峯據極西。
雲虛籠殿閣，地僻絕輪蹄。
啼鳥棲高木，飛花泛碧溪。
誰當學龍濟，垂手接群迷。

燈花偶書

岑寂一閑僧，春宵清興增。
竹窓催夢雨，蘭室對祥燈。
世事知虛幻，人情剪愛憎。
短長都分定，不恨百無能。

懷友人

不見隣峯友，還同楚越遙。
每勞孤枕夢，時過小溪橋。
凭檻疎簾卷，臨風細雨飄。
何當奉一笑，令我此情消。

賦竹

龍孫盈檻秀，天柱聳雲竒。
陰鎖安禪石，根侵洗硯池。
瓏璵伸粉節，偃蹇鬱蚪枝。
敢謂桃兼李，羞隣雪後姿。

早行

失枕驚先起，人家半夢中。
聞雞憑早晏，占斗辨西東。
轡濕知行路，衣單怯曉風。
秋陽弄光影，忽吐半林紅。

賢上人覓偈

懶修枯骨觀，愛學文字禪。
江山助佳興，時有題葉篇。
相逢未暇語，輒復一粲然。
豈須究所學，覓偈亦自賢。

黃蘗佛智

道譽聞寰宇，光華照錦江。
祇園居第一，佛智果無雙。

鳳闕帝恩厚栢庭禪將降僧中真領袖傳法瑞堯邦

題瀉源

臨機不墮照如水已知源從此常流出其聲離語言
筭沙嗟意馬捉月笑情猿若解提空印休登立雪軒
石門文字禪卷第九

丹陽居士賀學禮施刻此卷 海塩丁綠居士
對 長洲徐普書 江寧魏繼澄刻
萬曆丁酉仲秋徑山興聖萬壽禪寺識

石門文字禪卷第十

宋江西筠溪石門寺沙門釋德洪覺範著

門人覺慈編錄 西眉東巖旌善堂校

七言律詩

十五日立春

千年像教唐朝寺雪後新年晴復陰殘僧無事春又
至游客不來山自深長廊掃葉望空翠小閣卷經橫
水沉三生白業有言說一念淨心無古今

晚步歸西崦

屋除有路入深壑曳履翛然獨往還播穀風光寒日

近摘茶時節亂山間花枝重少人甘老燕子空忙春
自閒歸晚斷橋逢野水更能搵手弄潺湲

宗公以蘭見遺風葉蕭散蘭芽並茁一幹雙花

闢開宗以爲瑞乞詩記其事

深林忽見蘭芽茁不謂無人亦自賢數葉橫風作纖
瘦雙花含雪吐明鮮照人秀色雖堪盡入骨真香不
可傳今日東君應擇婿誰家兄弟闢清妍

黃幼安適過予所居題詩草聖甚妙

懷袖功名手未探亂頭睡美厭朝參筆端五色藻萬
象曾次大千供劇談山寺尋僧宿風雨水軒見月出

東南題詩滿壁龍蛇動盛事他年說草庵

元夕讀書罷假寐

燈下文章已倦看欲憑詩苦洗辛酸世途忽起風波
易富貴不忘貧賤難姚塢路迷安石塚桐川水落子
陵灘臥聞屐響東廊靜催粥華鯨吼夜殘

示忠子

夢冷寒庭半夜雨幽欣臨曉一番晴柳嬌困頓欲眠
去禽作清圓喚起聲曳履點殘山寺靜開經拾得紙
窓明去年今日岐亭路吹鬢塵埃研足行

訪鑿師不遇書其壁

撰述
獨自來游微雨後道人乞食及清晨應門童子能迎
客滿地榆錢欲買春花醉發狂風日灑柳眠喚起語
音眞政當借榻酬無事熟麩從教聒四鄰

資國寺春晚

龍鄉戒曉月空斜喚起清圓響絡車燒筍餉田村窈
窕拾薪煮繭語諠譁美忻崖蜜嘗新果香識山樊稱
意花歸去路迷光已夕浸門春水一池蛙

聞龔德莊入山先一日作詩迎之

夢暖不知窓霧白眼寒初愛穀羅輕欣聞明日一龔
至想見隨軒二李行夜雨曉晴寒食近水流花發子

規聲披襟散坐青林下依約斜川萬古情

晚秋溪行

熟路沿溪過石橋掃除秋晚淨迢迢幽尋忽見蘭芽
茁小立仍逢柿葉飄撲攔水飛雙去鳥玲瓏山響一
聲樵歸來半掩殘經在燕寢香凝碧未消

張氏快軒

草樹分明天遠大酒闌登賞更從容眼寒數點鴈橫
雨耳熱一窓風度松光滑紙開秋色闊淋漓墨潑暮
煙濃欲傾蛟室瓊詞句試借温江卓筆峯

秋晚同超然山行

一作峯

諸方游徧渾如夢古寺歸來獨掩扃無復詩篇雲錦
段但餘心境木蛇形高秋霜葉魚顛赤落日遠山螺
髻青步盡松陰忽回首綠蘿踈處見谿亭

送淨心大師住温州江心寺

萬鍛爐中百怨門哲人雖往典刑存掃除臨濟實頭
詢稱賞黃龍的骨孫夢澤於菟三口視丹山雛鳳九
苞文還鄉妙曲誰能聽一笛波心兩岸聞

和清上人

駒兒墮地已汗血毛骨蕭森落眼中今見馬群方弄
影會看雷電疾追風媒龍何止十倍價凡馬終當一
洗空我是道林能賞駿識君語妙到無同

升上人過石門

門巷榆錢壘紫苔十年心事重回暑風院落書籤
響煙雨江村畫牒開瓦枕藤牀初破睡蔗漿冰椀欲
生埃風簷獨立看遺照忽有溪僧犯犬來

夏日偶書二首

碧縷橫斜試水沉紅腮甘冷嚼來禽含風廣殿聞碁
響轉日回廊暗柳陰強撚冰紈餘睡色倦憑棊几適
閒心攀翻浣衲黃塵事過眼雲蹤不可尋

偏地知誰柳際門消閑自掃竹西軒井花曉汲聞餘

滴篆燒風摧覓舊痕夢境消磨驚歲月道鄉彷彿見
藩垣寶書半摺山房寂臥聽嬌鶯說怨恩

鄒必東竹枕

黑甜誰欲當閒味此枕令人穩稱心風骨子猷居處
竹典刑元亮醉時琴宜籠霧鬢清圓語聽學朱絃發
越音不用製囊裁古錦春寒長搭開花衾

竹爐

博山沉水覺塵埃旋斫凌雲綠玉材自拭錦裯含淚
粉要焚銀葉返翫梅意消未掩黃庭卷火冷空餘白
雪灰應把熏衣閉深閣流蘇想見畫屏開

七月四日晝夢雲庵和尚教誨久之而覺作此

示超然

夏窓午睡誰呼覺院靜惟聞遶砌泉夢裏緒言猶可
記壁間遺像尚依然襯珠定使拳披見坐榻當令膝
處穿塔在層峯衰眼力何時同汝掃頽墻

雲庵塔有雙桐作此寄因姪

十年不掃先師塔聞有雙桐護石根多寶佛應分半
座主林神對現前身詩成坐對南州祖寫寄山中玉
澗因他日就陰當縛屋歲時香火願爲隣

中秋對月

好天涼夕病衰餘散步中庭瘦策扶禪客相逢宿山
寺玉輪同看上雲衢十分歸思懸江國一半秋光入
鬢鬚草露濕衣香霧重更將毛骨洗冰壺

至上高謁李先甲會淵才德修

先甲志大性重遲是中可築平生基心期功名定不
赦未識所與游從誰淵才人間汗血驥德修天上麒
麟兒知君懷中有卿相探手但未忙取之

次韻睿廓然送僧還東吳

征夫應爲指柴扉湖水當門可濯衣飛鳥已知今日
倦舊鄰那悟昔人非山情已作煇雞淨世味真如嚼

蠟微遙想夜航無管束棹歌應載月明歸

送瑩上人游衡嶽

紫蓋峯頭樓閣生朱靈洞口水雲晴盤空路作驚蛇
去落日人如凍蟻行重郭老師今健否藏年珍木但
聞名定應自掃巖邊石時發披雲嘯月聲

寄草堂上人

首夏年芳尚可尋興來芒屨恣登臨回頭故國煙波
闊分袂幽人歲月深落日杜鵑山館靜熏風芳草柳
塘陰知君宴坐忘機地謾寄新詩話此心

酬潛上人

滿鈎踈箔卷簷楹秋靜江天刮眼明梵冊已翻千偈
妙爐香未散一堂清沾衣菊露情
松聲夢
不成我與道人緣分熟可能朝夕厭逢迎

贈爲上人游方昭默之子也

年少辭師作遠游人言虎穴不生彪家聲自古能名
世氣宇如今已食牛奪得我機方肯住從教棒打不
回頭雲山萬疊翛然去江漢無風一葉舟

鄧秀才就武舉作詩美之

丈夫氣自磨牛斗正似豐城獄屋刀富貴豈終憑鐵
硯功名先看擲霜毫蘆鞭未稱迎風帽紫綬從來寒
蠟微遙想夜航無管束棹歌應載月明歸

送瑩上人游衡嶽

紫蓋峯頭樓閣生朱靈洞口水雲晴盤空路作驚蛇
去落日人如凍蟻行重郭老師今健否藏年珍木但
聞名定應自掃巖邊石時發披雲嘯月聲

寄草堂上人

首夏年芳尚可尋興來芒屨恣登臨回頭故國煙波
闊分袂幽人歲月深落日杜鵑山館靜熏風芳草柳
塘陰知君宴坐忘機地謾寄新詩話此心

酬潛上人

撰述
不問文卷十一
滿鈞踈箔卷簷楹秋靜江天刮眼明梵冊已翻千偈
妙爐香未散一堂清沾衣菊露情
不成我與道人緣分熟可能朝夕厭逢迎
松聲夢

贈爲上人游方昭默之子也

年少辭師作遠游人言虎穴不生彪家聲自古能名
世氣宇如今已食牛奪得我機方肯住從教棒打不
回頭雲山萬疊脩然去江漢無風一葉舟

鄧秀才就武舉作詩美之

丈夫氣自磨牛斗正似豐城獄屋刀富貴豈終憑鐵
硯功名先看擲霜毫蘆鞭未稱迎風帽紫綬從來寒

綠袍杖策軍門君記取祖宗漢室舊勲勞

崇勝寺後竹千餘竿獨一根秀出呼爲竹尊者
高節長身老不枯平生風骨自清癯愛君脩竹爲尊
者却笑寒松作大夫不見同行木上座空餘聽法石
爲徒戲將秋色供齋鉢抹月披雲得飽無

童子名道員年五歲餘不茹葷隨母往來禪林

旦夕稍長即與落髮覓詩作此授之

氣與秋容一倍清出塵風骨自天成逢僧論性人皆
說指佛高談母亦驚已覺君家鍾善慶從來我法付
豪英他年勘徧諸方老古寺編蒲更道情

題水鏡軒

小軒明快照巖阿得道幽人喜氣多但視世間如水
鏡方知夢境有山河佳眠不礙林光入清坐何妨夜
月過我亦思歸老丘壑結鄰西崦肯容麼

同吳家兄弟游東山約仲誠不至

東山重到讀題名勝踐清游此合并霧雨開晴秋滿
眼暮雲欲合句先成走禪壁月寒林靜來客蘭叢玉
樹清我老吐詞如朽木蒸成芝菌報升平

器之示巽中見懷次韻

折脚鐺尋穩處安對君此夕久盟寒狐裘不合須羊

袖藥籠何妨缺夜千秋壟此時驅健犢道山何日跨
歸鸞仙鑪只隔數丘耳上水船方厄瀨湍

書鑒上人香巖堂

堂前叢玉知誰種叢下高人自掃除未論擊磬回顧
眇先欣秀色上眉鬚隨宜萬偈風宣說頓現千身月
寫摹就地對誰曾畫餅當年饒水救飢無

冷然齋

以身爲舌毗尼藏儼此空齋鏡面清蟬蛻塵埃軒蓋
集蝶成翬夢篆煙輕蘆圖世界分遺境玉塵天花委
落英鉢在道山歸去已摩挲風馭笑平生

謝性之惠茶

午窓石碾哀怨語活火銀瓶暗浪翻射眼色隨雲脚
亂上眉甘作乳花繁味香已覺臣雙井聲價從來友
壑源却憶高人不同試暮山空翠共無言

訪友人二首

海棠雨過尚嬌春袖手來尋林下人未話柳條堪結
紐且欣梅子可嘗新孤蹤袞袞風中絮萬事紛紛夢
裏塵他日別山重會面定知談笑絕鮮陳

日暮荒城倚瘦藤江南春思倍添增那知淮水黃塵
路忽見廬山綠髮僧乞食久辭煙際寺連牀今對夜

深燈明年我亦尋君去同陟天池最上層

石臺夜坐二首

故鄉乃有此叢林下板何妨著寂音永與世遺他日
志尚嫌山淺暮年心凍雲未放僧窓曉折竹方知夜
雪深琢句自應清似玉更宜坡字硬黃臨
歲晚山深過客稀一燈清坐夜同誰滴階寒響雪消
後通火活紅灰陷時斂目舊游真可數蓋棺前事尚
難知古今不隔諸緣淨盡出巖中道者詩

胡卿才時思亭

祇今冢木上雲雨想見音容無恙時竟作懷歸戀雲

撰述
石門先生集卷一
九
舍空餘淚眼看風枝，名未洗終天恨。歲月難忘罔極悲，已覺夜林無觸鹿。但看几硯出靈芝。

題此君軒

解知無竹令人俗，日報平安候起居。所以此君揖冰雪，長吟餘翠滿衣裾。瘦行清坐搜詩處，雨葉風枝解籜初。試作小軒聊寄傲，愛君生計未爲踈。

喜文首座至

機鋒不減矮師叔，聞說叢林最飽參。無暇對人收冷涕，却能爲我出寒巖。春江柔櫓何時聽，夜雨山房且對談。掣電一懽端可貴，此生俱是再眠蠶。

超然自見軒

叢林爭致致不得，繭足徑來尋儼師。幽境自能情外見，高懷獨出世間癡。清晨倚檻臨黃卷，五月亂山關子規。夙習尚嗟消未盡，壁間時錄和陶詩。

清大師還姑蘇塔其師骨石弔之兼簡其弟

聞說高懷照雪霜，道容一見自清涼。今隨生死晦心月，空使湖山藹德香。故紙不堪看竹籠，凝塵那忍拂繩牀。安門弟子真持遠，獨爲斯人未始亡。

閩僧不食已四十年贈之

銀髮齊眉衲半肩，相逢古寺獨欣然。自云出嶺三千

里人見空餘四十年擬欲就若求此術預憂臨食必
流涎何如萬事隨緣過飢即須殮困即眠

元祐五年秋嘗宿獨木爲詩以自遣今復過此
追舊感歎用韻示超然二首

獨木江頭纜客船暮江秋色兩依然落霞片段紅綳
水危岫參差碧挂天名利到頭成底事田園歸得是
何年崢嶸壯志消磨盡滿目西風只自憐

蹤跡漂流不繫船舊游曾到意茫然玉笙哀怨初涼
夜秋月嬋娟落木天往事已嗟如昨夢壯懷無復似
當年鑪峯當眼空相向因念區區想見憐

與客啜茶戲成

道人要我煮溫山似識相如病裏顏金鼎浪翻螭
眼玉甌絞刷鷓鴣斑津津白乳衝眉上拂拂清風產
腋間喚起晴窓春晝夢絕憐佳味少人攀

宿香城寺

夜靖風細月華清遶寺霜筠雪竹聲錫響僧歸帝青
寶夢香人宿水沉城古今不隔塵都盡心境俱忘鏡
對明枕臂曉猿三叫絕小窓燈暗讀殘經

自張平道入瑤谿

衝虎曾經落照村千峯盤盡始登門慣聞跛脚阿師

法喜見橫行道者孫愛客精神清入畫游方蹤跡夜
重論杖藜又入層雲去知有安公舊隱存

九峯夜坐

千峯萬峯自雲雨一宿兩宿心頽然不知人間歲云
暮但覺澗風吹夜泉地爐火燄水正泣篝燈委昏僧
未眠古人去我不甚遠何必想像臨遺編

同世承世英世隆三伯仲蔡定國劉達道登滕

王閣

承英連璧光照坐更著阿隆如鼎安老兵先馳啓關
鑰西山奔走登欄干劉郎端默自凝遠蔡侯奮髯牙

齒寒但餘衰老百無用搜句倚欄方細看

寄李大卿

瓶盂又復寄西州彌勒同龕古寺幽睡起忽殘三月
夏朝來拾得一簾秋浮雲世事慵料理斷梗閑蹤任
去留投老山林多勝槩杖藜何日復同游

余居百丈天覺方註楞嚴以書見邀作此寄之

一首

風定晴雲欲墮崩林梢樓閣旋添增一生高世清閑
侶千尺當門紫翠層對客不妨拵壞衲倦禪時作靠
枯藤暮年古格叢林在重巖塵龕大智燈

撰述
石印
三世如來尊頂法覆藏深密碧螺寒通身是眼自不
見擘面出頭窺更難四義僅能分肉髻八還終恐隔
花冠爭如劈佛丹霞手揭露從教覲體看

寄龍安照禪師

隨分叢林古格存龍安真是泐潭孫獨持一節無求
世勘破諸方不出門石虎已忘躡草見木蛇久滅住
山痕遙知百事俱衰落尚有工夫虱自捫

聞龍安往夏口迎張左丞遂泝流至鄂渚相別
還山作此寄之

無盡龍安兩勅敵大梅龐老是同參近聞赤壁同登
賞想見清風助笑談已作汎舟游夏口又成橫錫過
江南歸來萬壑松聲在依舊閑雲沒草庵

別龍安

竭采幕阜峯前寺彌勒同龕兩見秋今日他山生遠
念何年此地復重游主人有道忘欣厭閑客無求任
去留索紙題詩聊贈別更哦江海一沙鷗

次韻無代送僧歸吳

春掠淦江綠染眸多情還解向東流故應夜夢清蒼
勝欲趁春光爛漫游飽學尚嗟心未死痛吟已覺鬢
先秋何當一棹華亭上閑唱波寒月滿舟

懷友人

尋常輕別尚消寬何況交情過弟昆孰謂此身閑日
月自慚踈跡信乾坤泠泠小雨江邊路薄薄浮煙竹
外村回首舊游方契闊孤舟何處宿黃昏

汪履道家觀古書

風流前輩已成塵筆跡猶爲世所珍促膝猛觀驚盛
事臨風長想見斯人氣生偉逸龍蛇動秀發精神點
畫新破篋尚能多此物且欣汪子未全貧

悼性上人

三年三過龍安寺疊疊清談解逼人顧我偷閑久無

侶與君數面自成親轉頭忽作幽冥彈指空驚夢
寐新病眼看秋欲淒眩攀翻投老一傷神

秋日還廬山故人書因以爲寄

風葉鳴廊夜色晴隔雲微月稍分明下簾徒怯衣裳
薄拂榻空驚枕簟清病眼得秋還少睡壯心於世尚
多情何時却作廬山去渡水穿雲取次行

誠上人求詩

我昔車輪翠裏行只今懷想似前生那知古寺僧窓
下偶見高人眼倍明秋月半鈎留客意凍雲千頃欲
歸情杖藜笑出千峯去添得蒼崖響答聲

雪夜讀涪翁所作愛之因懷其人和韻奉寄超

然

溪雨初收岸草微柳絲堪入綠羅機望中情遠恨煙
樹何處暖多嫌衲衣却信真人還有夢豈關禪子未
忘機春風痛與傳消息教憶舊山新翠歸

公亮超然見和因寄復答之

高人秀句入幽微濯出秦川錦一機剪製未爲春步
幃暗投先作夜行衣語尊九鼎眞難荷意的千鈞善
發機早晚杖藜松下見應疑劉遠谷中歸

瑞香花

根聞是花中瑞可憐亦肯乘春開色深卷肉淺巴
錦香濃入骨生秦梅也知秀麗不群品最宜陰潔幽
庭栽落英紅葉不忍掃從教狼藉蒙蒼苔

別靈源禪師

平生風骨秀琳琅水鏡曾懷未易量聲利光中忙趣
少煙霞影裏淡心長雲泉隱德無情動猿鳥侵身不
亂行他日定歸當卜築青藜紫葢壯詩腸

贈許秀才

虬髯鐵面鶴精神水鑑心曾不受塵吹耳松風靠藜
杖敞衣山月岸綸巾虎頭猿臂成何事道骨方瞳亦

可人他日西湖如過我飲君一味武林春

送軫上人之匡山

何處高人雲路迷相逢忽薦目前機偶逢菜葉隨流水知有茅茨在翠微
瑣碎夜談皆可聽煙霏秋嶺欲同歸
翛然又向諸方去無數山供玉麈揮

與晦叔至奉新

欲去未成還執手西風踈雨晚絲絲暗驚歲月行飄忽那更人生苦
別離君已到心工筆語我今歸計老茆茨冷齋後夜誰同宿莫向燈前讀此詩

送敏上人

密林病葉強翻紅已覺清秋夜氣濃懶復小窻邀獨秀却應歸夢挂雙峯
水分淮甸當懸席路遶匡山可振筇若見虎溪谿上月爲言相憶作衰容

過孜莫翁

禹穴朝來散晚參一程隨便達雲巖南山任把浮雲蔽西嶺猶將落日銜
幽徑野花開舊菊石牀楸子下高杉投宵夜永寒無寐良憶真僧衣不蠶

次韻二僧題永安壁上

二休書壁詩爭妙促席吟時愧不同豪句大鯨秋駕浪俊才細馬曉追風
支筇放蕩千峯裏萬事收藏一

撰述
石門先生卷一
笑中約我清溪老蓮社茅茨相映小橋東

贈王司法

輕帆已有渡江期高會清游惜此時水閣颺煙晴試
茗雪窓剪燭夜論詩衝寒遠鴈來橫浦弄色新梅半
糝枝林下自知無一事亦應風月動關思

和許樂天

滄溟曾見化微塵花發桃源幾度春俗眼莫輕狂道
士此身應是謫仙人清彈一曲悲風遠絕唱千章白
雪新異日三茅成卜築却因瓶錫得爲隣

師復作水餅供出五詩送別謝之

草堂野飯蜀江濱妥貼寒光刻削人忽展五篇爭疾
讀便驚四座暖生春已欣蓮社風流在更覺溪山氣
味新放箸脩然廬嶽去門欄他日夢應頻

贈鑒上人

毗尼藏出清淨寶精進林生功德香但得身心常寂
靜自然毛孔發靈光蒼苔不厭芒屨弊空翠偏宜壤
衲荒好在虎溪長不出阿持何意尚遊方

贈靜上人

雪摧枯慮默如瘖秋壓寒松老不禁一室閉門稀識
面半窓斜照自拴針重城此日留詩別疊巘何年結

伴尋衰退寧堪久塵土相看滿眼是歸心

表上人久事雲庵過余石門

凍折枯杉已死灰豈宜安著在塵埃
偃衰不入今人眼精進曾親古佛來
愛子渠渠念縹惠爲余得得出巖隈
蒼顏華首供衰暮未死重逢更幾回

次韻超然

翠寒空覺此生浮歲月催人鬢易秋
忽憶倚天廬獄去更尋清境武林遊
情親愧與高人別興發徒煩夜月留
他日西湖遠相憶爲君一笑散沙鷗

寄楷禪師

龍蛇頭角混埃塵臨死方知老淨因
三度傲辭天子敕一生甘作淨名身
虎皮羊質成何事牛馬襟裾亦謾陳
須信屈原千載後空門猶有獨醒人

璩首座出示巽中詩

左手不仁右手明懷情亦復棄藜牀
不知門外山花發但覺君來笑語香
願紹神情掃秋晚瘦權詩句挾風霜
兩翁杖屨相追逐此夕因依夜話長

贈李秀才

門掩青山相並居愛君家法不蕭疎
錦囊舉子能佳句瑞鳥隱公多諫書
學士八埤聲價在謫仙千首笑

談餘清朝第一他年事且看歸來著翠裾

贈修上人

我愛修公亦自賢未忻城郭愛林泉
醉騎鯨背詩遺落閑把牛毛字細編
還我青山當夏晚乞君佳句著牀前
雨餘獨凭煙雲上目送孤鴻落照邊

次韻超然竹陰秋夕

月脇雲行夜未深滿庭風露葉辭林
知誰牆外千竿竹分我窻西一畝陰
山好已無歸國夢老閑猶有讀書心
剝題詩句酬幽隱歲月翩翩接翅禽

廬山寄都下邦基德祖諒故人

勢占江南三百里煙霏相映出層樓
芒屨竹杖山兼水坐看行吟春復秋
浮世萬途成底事吾生一飽更何求
故人京洛風埃地能信山中此樂不

送宗上人歸南泉

燈外佳眠試冷齋欲成歸夢暗驚回
一軒秋色侵衣重半夜波聲拍枕來
江國潮平人獨冷海山家在意徘徊
倚藤明日秦淮上看子風帆十幅開

晚坐藏勝橋望石門

好山千葉青蓮曉斫額令人意已消
微出樓臺知有寺倦行雲樹忽逢橋
此生未覺叢林負肯處真教日

劫超閒拾墮薪成淺立細泉幽澗響寒蛩

至圓通僧覓詩

漱霧跳珠響澗泉千峯秀出雨餘天共驚繡帽銅甃
老重到香鑪石耳邊清境荒涼歸歎息故人迎笑尚
依然明年過此還相見應及春風社燕前

送僧遊南嶽

古寺閒關聊作招夏秋歸思謾迢迢枕中柔櫓驚鄉
夢門外秦淮漲夜潮想見舊房生薜荔不堪踈雨在
芭蕉何時却理緣雲策峯頂同誰看石橋

送隆上人

人生聚散等兒戲夢境紛然此一時老去漸知爲客
味秋來長作送人詩感君義色分心曲慰我年華兩
鬢絲想見故鄉霜菊後屋頭千樹橘纍垂

次韻諒上人南軒避暑

人間酷暑推不去愛此南軒一榻空眼倦拋書成午
睡夢悠誰復羨王公豈知塵土隨肥馬但覺熏風掠
壞桐起步西園閒倚杖石榴花出數枝紅

贈吳山人

已得希夷旨趣深平生蹤跡任浮沉壺中景待和煙
臥海上山須帶鶴尋月裏一枝慵舉手人間萬事肯

關心出塵風骨憑誰識且枕焦桐混世吟

東溪僧聽泉堂

諸方游徧歸來晚閒構虛堂贖世紛雷轉空山動林
葉雪飛亂石濺溪雲石橋舊處龍湫吼漱玉曾看嶽
色分拄策眼高雙耳噴上方白塔却親聞

送莊上人歸雲居

青鎖曉開殘雨上煙鬟春解笑聲中叢林今日猶雌
伏膺簡當年是法雄露盃憶嘗安樂味錦籠曾著瑞
香■何時玉鉢青林下與子婆娑小立同

上元宿百丈

